

U d'/of OTTAHA 39003002078748



Digitized by the Internet Archive in 2010 with funding from University of Ottawa






PQ 1415 ,A45 1869 Arrone à Jean Justice voir Catalogne B.N.

CI COMMENCE

L'ADVOCACIE NOSTRE DAME SAINTE MARIE

ET VÉZ CI LES RÈSONS

POUR QUOY ELLE EST APELÉE
ADVOCATE DE L'UMAIN LIGNAGE



Et trestouz ceulz qui sont à nestre,
Estoient vis, et chescun mestre
Pour respondre et pour opposer,
Si ne pourroient il gloser,
Ne dire, en cent mil ans d'espace,
Les biens, le pover et la grace
De la douce vierge Marie.
10 Qui à lie de cuer se marie

Ne peut avoir nulle deffaute;

Combien qu'el soit grant dame et haute,
A touz ses amis confort preste
Et à touz lour besoings est preste,
Ne nul n'en veult lessier ne perdre.
Bon se fet à tel Dame aerdre
Et eschiver fol rigolage;
Quer s'amour n'est mie volage.
Nul ne la peut amenusier;
20 L'en pourroit plus tost espuisier

Toute la mer, goute aprèz goute,
Que sa bonté deviser toute.
Se chescun grenet de gravele
Devenoit langue aspre et ysnele
Pour opposer et pour [r]espondre,
Si ne pourroient eulz espondre
Le grant bien et la grant value
De la Vierge, que je salue
En disant Ave Maria.

Qu'il en péust venir au fons.
Jà ne sera, ce croy, l'autre hons
Qui tout son bien pense à comprendre,
Et pour ce vuil à el entendre
Quel l'en me tendroit à folie
De mètre y ma mélencolie.

La bonne gent, qui sont passez, Si se sont efforciez assez De sa bonté retrère et dire; 40 Mès sens humein n'i peut souffire, Se Dieu n'i vouloit conseillier, Ne nul ne s'en doit merveillier; Quer dedens son ventre porta Le filz Dieu, qui Enfer mort a; En son cors vout Celuy descendre, Que terre et ciel ne peut comprendre. Le trésor de toute sagesce Garda; ne fut ce grant noblesce? Cil, s'el[le] n'i avoit partie,

- So La chose seroit mal partie.

 Elle est dame, si com je crey,

 Haut ès cyex, du conseil secrey.

 Dieu l'ennoure et il l'escovient;

 En Exode, bien m'en souvient,

 Dict et enseigna la tenour

 De porter à sa mère hennour,

 Et, si l'ayme et hennoure ensemble.

 D'ont m'est il avis, ce me semble,

 Qui bien à rèson y regarde,
- Oue ceulz qu'elle ayme n'aront garde;
 Quer poy d'ennour li porteroit
 Qui ses amis condempneroit.
 Nous qui l'amons, fames et hommes,
 Ses procheins et ses amis sommes,
 Dont devon nous estre asséur,
 Quant nostre amie a tel éur
 Et Dieu méismes l'i oblige.
 Soit donc chascun son homme lige,
 Et touz nos cuers li pramèton
- 70 Et en sa garde nous mèton, Quer à dampnement n'iert jà mis

Nul de ceulz qui sont ses amis.

Elle est mestresse de la Court;

Se son filz se cource, elle acourt

Et luy démonstre sa mamèle,

Dont l'aleita, virge et pucèle,

Et il n'iert jà si soupris d'ire,

Quant el li veut retrère et dire

Qu'el le nourri et le bercha

80 Et le cüer li trespercha

Quant el le vit en croiz pendu,

Que son dit ne soit entendu;

Quer, quant son douz filz la regard

Sen vre et son courout se tarde:

Que son dit ne soit entendu;
Quer, quant son douz filz la regarde,
Sen yre et son courout se tarde;
Quer il y vient en remembrance
Qu'el le nourri en son effance
Si qu'el ne li sçeit chose dire
De quoy il la sache escondire.
Le Déable nous het à mort

Le Deable nous net a mort

90 Et à nous acuser s'amort;
Mès, s'il acuse, el vient plèdier,
Preste pour ses amis édier.
El sçeit opposer et respondre
Pour nostre adversaire confondre;
Quer, quant il nous veult accuser,
El n'a pas apris à muser,
Mès est preste et appareillie
Et curïouse et esveillie
De pleidier pour l'Umaing Lignage;
100 Et est advocat bon et sage

Et souvent par plèt nous delivre.

Je treuve escript en .1. livre
Pour quoy et par quel aventure
L'en l'apele en Sainte Escripture
Advocat, et d'ont ce là vint.
Je sçey bien comment ceu avint;
Quer en l'Escripture l'en treuve.
Qu'il me souffit pour toute preuve,
Saint Pol le dit et détermine,

L'Evangile S. Jehan conte,

Dont chescun doit tenir grant conte,

Tout droit u trèsiesme chapitre,

Comme u cors Judas le traître

Le Déable d'Enfer se mist,

Sathenas, qui tant s'entremist

Que tout bien luy fist enhaît

Et son propre mestre trahit,

Qui de Loy tel tesmoing prenoit

En soit bien comme en Paradis
Eve, nostre mère, jadis
Fut condempnée par sentence
Par pechié d'inobédience
Et pour ceu furent condempnez
Touz ceulz qui furent d'Adam nez.
Par cette condemnation
En avoit la possession
Le Déable, qui les prenoit

130 Quant chescun à sa fin venoit. Mès Dieu, qui est le roy des roys,

Si vout abatre cest desroys, Quer pitié de ses créatures Out, ce dient les Escriptures; Mès la chose fist si à point Que de reprise n'i a point. Quer, se fame à premier pécha Fame aprèz ceu nous redrécha Que m[é]ist la main à la pomme, 140 Dont el déchut le premier homme. Mès, s'Eve folement ouvra, Sainte Marie recouvra Et amenda cette defaute; Quer le filz Dieu de sa tour haute U cors Marie descendi. Qui vie pour mort nous rendi. Mès le Sathan cieu ne savoit Se Dieu vray cors humain avoit; Quer, s'il l'éust de voir scéu 150 Jà tant comme il éust péu N'éust esté crucifié; Mès n'en ïert certefié. Si estoit touziors en doutance Et de luy et de sa puissance, Quer il entendoit bien de soy Qu'il soustenoit et fain et soy, Et qu'il estoit homme pèsible, Et ce luy sembloit impossible Que Dieu nule défaute éust 160 Ne que méseise avoir déust. Autre chose le déchevoit.

Les miracles aperchevoit Dont mout feisoit tout en apert, Si com par l'Evangile apert. Il ne pout le Ladre tenir Que hors nu convenit venir D'Enfer, quant Jhesus l'apela, Et mout se doutoit pour cela, Et pour ce estoit il plein d'ire 170 Qu'il ne pouvoit savoir ne dire S'il iert Dieu en humanité Ou pur homme sans déité. Et pour ceu qu'en ceu avoit doute Le Mestre d'Enfer et sa route, I. grant concile en assembla, Et au derrenier lour sembla Qu'il estoit filz Dieu vraiement; Mès trop lour aloit malement, Quer jà estoit à mort livré. 180 Et par luy seroit délivré, Ce lour sembloit, l'Umain Lignage, Et eulz estoient assez sage, Pour entendre les Prophécies Qui devoient estre acomplies. Les prophètes distrent, de voir, Qui voudroit fère son devoir, Qu'il convendroit à mort livrer .I. homme pour touz délivrer Et qu'en Enfer se descendroit, 190 Et tou zles cheitis y prendroit; Rien ni vaudroit veroil ne porte

Qu'ovecques li ne les emporte. Einsi les Déables disoient, Qui de nostre bien se douloient; Quer c'est à chétif grant soulas Quant il ne se voit pas soul las, Mès en compaignie en sa peine; Einsi iert, c'est chose certeine.

Le Conseil d'Enfer s'acorda

200 Pour ce qu'Eve Adam encorda
Et que fame est maliciouse
Et de sa nature engignouse
Qu'eulz iroient, par lour barate,
Parler à la fame Pilate.
Mout très forment la menachièrent,
Et en dormant li enchargièrent
Qu'envers son mari tant féist
Que Jhesum à mort ne méist,
S. [M]ahieu dist en s'escripture

210 Qu'elle y mist grant peine et grant cure;

Mès trop tart fut; jà iert vendu
Aus Juyes pour estre pendu.
Si dist le mauvèz deputère:
« Ceu qui est fèt n'est pas à fère. »
Dieu l'avoit einsi ordené,
Anciéz qu'il fust de mère né.
Il fut mort et enseveli
Et se resuscita de li
Et les portes d'Enfer brisa,
220 D'ont touz ses amis hors mis a,
Et adonc fut l'Umain Lignage

Absouz du premerein servage; Nous fumes touz à icelle houre Delivrez, s'en nous ne demoure.

Le Déable, nostre aienemi, Quant il vit ceu, de deul frémi, Quer il n'ama onques on bien. Aprèz cela, ne sçey combien, Quant il vit qu'il out tout perdu,

- Plein de grant rage et de grant guile,
 Il rassembla .1. grant concile,
 Si très grant et si renommé
 Que tout ensemble, à jour nommé,
 Touz les Déables d'Enfer vindrent,
 Et touz à .1. conseil se tindrent
 Ceulz qui à cel concile furent.
 Quer .1. procuratour eslurent
 Pour l'Umain Lignage semondre,
- 240 Pour demander et pour respondre Par devant Dieu, en sa présence, Et pour oyr droit par sentence. Tele iert sa procuration, Mès c'estoit lour entencion De ramener l'Umain Lignage Du tout au premerein servage.

Mès, se je di que le Déable, Tout soit il fel et non roiable, Auchune foiz devant Dieu viengne,

250 Nulluy pour merveille m'i tiegne; Quer, qui veult parler de tel chose, Y convient que son fèt propose
Du tout à l'umaine manière.
Si est la chose plus legière
Et plus aésie à entendre.
Qui voudroit en Job garde prendre,
Si comme son livre le touche,
Dieu parloit à Sathan de bouche.
Ne cuide nul que dire vuille

260 Que le Déable ne se duille,
En quelconques lieu qu'il se boute.
Qui ceu cuideroit n'entent goute;
Quer, en queil lieu qu'il soit présent,
Touz jors angoisse ou peine sent;
Sa peine par est si diverse
Qu'en ses os est aussi aerse
Comme au mesel sa maladie.
Je ne croy pas que nul jà die
Que mesel puisse estre gari

270 Pour cela s'il devient mari
Ou à reigne ou à contesse,
Quer son mal pour ce ne le lesse;
Touz jors est mesel et pourri
Combien que aiese soit nourri.
Pour ce cy est il bien roiable
Que tout einsi est le Déable;
Quel part qu'aventure le meine,
Il seuffre continuel peine.

Einsi la letre le glosa.

280 Se.1. asne sus son dos a
.1. fèz de busche ou de charbon,

Ou fust par mal tens ou par bon, Et fust du fèz bien agregié, Cuidiez vous quil fust alegié S'il iert devant le roy de France; Nenil. Là meins n'auroit grevance. Le Déable est de tel manière; S'il est devant Dieu ou derrière, Ou prèz ou loing, ou coste à coste,

290 Touz jors art il, ou fruit, ou roste, Et seuffre si très grant angoisse Qu'il n'est nully qui le coignoisse.

Le devant dit procuratour Vint devant Dieu, en grant atour, Fondé, maliciouz et sage, Pour acuser l'Umain Lignage; Autre chose ne vouloit querre. « Créatour de ciel et de terre, » Dist-il, « cest condempné escoute;

M'a de son conseil retenu,
Et pour ce suy-je cy venu
De procuration garni,
Si que n'en puisse estre escharni,
Et tu es de justice plein.
De l'Umain Lignage me plein,
Et je croy, à m'entencion,
Que, pour ten informacion,
M'orras contr'eulz tel chose dire

310 Qui assez te devra souffire. » Adonc a Jhesucrist tournée Sa chière, et dist: « As tu journée Vers eulz? Les as tu fèt semondre? » D'ont commencha Sathan à grondre Et dist: « Nenil. Mès aviser Te vuil; bien saurey deviser, Par certeine information, Qu'eulz sont touz à damnation. En mon dit n'aura que reprendre,

Jeu respondi, sans fère y pause:

« Tu sçèz que de chescune cause,
Quant les parties ont bien dites
Lour rèsons, sçeit l'en les mérites,
Et tu n'as cy point de partie.
Sachez que je ne te croy mie,
Quer bien scey c'onques bon ne fus;
Ten information refus,
Quer recevoir ne la convient;

N'ez tu cely, bien m'en souvient,
Qui es ytel com tu souloies?
Au monde enfornier me vouloies
Quant tu déis que je féisse
Des pierres pain. Se je vousisse,
Je les éusse assez tost fêtes.
Tu m'as trop fêt d'itiex entrêtes.
Tu me déis à mes oreilles
Oue tu me donrroies merveilles

340 Fuy toy de cy, sans demourer, Quer nul prodon ne te doit croire;

Se je te vouloie aourer.

Tu ne sçéz dire chose voire. »

Le Déable dist derrechief:

« Tu es de justice le chief,

Justice vuil; tu es Justice,

Fei la moy. N'est-ce ton office?

Tu ne m'ez pas mout débonnère,

Puis qu'autre chose ne puis fère

Et l'euvre est einsi attournée.

A plédier à tout égaument.

Je suy fondé souffiesaument

Pour Enfer et pour sa grant route.

Et, qui en voudroit fère doute,

Véz ci ma procuration

Sans vice et sans défection. »

Dieu la vit, qui bien l'éprouva, Et, quant sans vice la trouva, Au Déable lors respondi:

360 « Sathenas, pas ne t'escondi
Mèz je n'aim pas mout ton séjour.
Or convient acorder le jour. »
Dist Sathan: « Soit donc à demain;
Du brief jour grant joie demain. »
Dieu dist: « Ce ne feroy-je mie;
Je feroie tort à partie.
Où as tu or ce droit trouvé?
Tu sçéz bien et l'as esprouvé,
La voie est longue et mal errante.

370 Je feroy droit, je te créante. Tu scéz bien que les Droiz recordent, Quant .11. parties se descordent Du jour, que le juge le donne, Sans ceu que nul l'en achesonne. Je suy juge. Pour moy le di, Je mèt jour au saint vendredi Que je fuy en la croiz pendu.»

Quant Sathenas l'out entendu, Si respondi par très grant ire:

380 « Ha, Sire, ce n'est rien à dire;
Le jour, que tu as ci nommé,
Est sollempnel et renommé;
Y n'est lieu où férie ne soit.
Les Droiz dient, chescun le sçeit,
Que sentence à cel jour rendue
Doit estre pour nule tenue,
Donc ne vaudroit rien ma semonse,
Ne mon plèdier, ne ma response;
Quer, le procèz qui en vendroit,

390 Chescun pour mauvèz le tendroit.
Droit le dit, j'en suy bien recors. »
— « Le feu d'Enfer t'arde le cors, »
Ce dist Jhesucrist luy méismes:
« Tu sçéz bien que les Droiz féismes;
Aus Droiz donnon auctorité;
Mez tu scéz bien par vérité
Que les Droiz ne nous donnent mie
Auctorité, que que nus die.
Pour ce voulon, comment qu'il aille,

400 Que procèz et semonse vaille, Non contretant que la journée Est férie et mout hennourée.

Einsi iert; je ne t'en di el. »

Lors appela saint Gabriel:

« Va, » dist-il, « sonne ta buysine.

Si fey le jour et le termine

Savoir à tout l'Umain Lignage;

S'eulz n'i sont, eulz auront damage,

Et lour fey bien à touz espondre

410 Que ceulz d'Enfer les font semondre. »

Ce fèt, Sathan s'en retourna
En Enfer, où nul bon jour n'a,
Et lour recorda les nouveles
Qui ne lour furent pas mout beles.
Touz les Déables, qui là furent,
Virent mout bien et aperchurent
Que Dieu fère ne lour vouloit
Nulle grace plus qu'il souloit;
Mès à ce sans plus s'aerdirent
420 Que parler de justice oïrent.

A la jornée en grant atour
Transmistrent lour procuratour,
Qui sagement peine méist
Que Dieu justice lour féist.
Quant le jour vint de quoy je di,
Qui estoit au saint vendredi,
Le procuratour lors racourt
Et vint bien matin à la Court;
Quer bien sout, par texte et par glose,

430 Que qui est auctour d'une chose Il doit monstrer sa diligence;

Quer trop pis vaut sa négligence Que de cil qui se doit deffendre. Il se garda bien de mesprendre, Quer à la Court out poy d'amis. Il vint, au jour qui fut là mis, U lieu où Dieu souloit venir Pour droit et jugement tenir.

Mès je parle à manière humaine

440 Et tout mon propos y demaine;
Là où le pape est, là est Romme;
Einsi doit entendre tout homme
Que Paradis est proprement
Là où Dieu tient son jugement.
Dieu a des mansions plus d'une;
Là où il est, la Court s'aüne.

Là vint Sathan très bien matin, Qui bien sceit franchoiz et latin Et sceit respondre et opposer

450 Et toute Escripture gloser,
Et fallaces plus de cent a.
Quant Dieu vint, il se présenta
Et le dist: « Je suy le dampné;
Contre ceulz, qui sont d'Adan né,
Au jour ici en ta présence
Plèdier vuil et oïr sentence. »

Dieu li dist: « Seuffre toy, maufey; Ne soies pas si eschaufey; Tu scéz bien, selon l'Escripture, 460 Tant comme la jornée dure Ne doit l'en deffaute douner. Tu peus bien assez jargouner; Sus eulz veus défaute; or atent; Bien scey que ten vouloir là tent.»

Le Déable, quant l'entendi Desiques à noune attendi. En ce tens, qui mout lui tarda, La contenance regarda; Si vit les Sains de Paradis,

470 Chà .v., chà .vi., chà .ix., chà dis,
Alans et venans, ce li semble,
Et estrivans de deul ensemble.
Lors parla plus hardiement,
Et se rescria hautement:
« Père, qui es souverain juge,
Je ne vieng [pas] ici par druge;
Ne die nul que je m'absente;
Contre le Monde me présente.»
Dieu li dist: « Tès tey, importun;

480 Cuides tu que j'en deport un Vers toy, pour faillir de justice.

Nenil. Ce n'est pas mon office:

Ne t'ey je dit, bien m'en souvient,

Qu'atendre tout le jour convient?

Or atent donc, et ne t'ennuyt

Pour savoir s'eulz vendront ennuyt.»

Il atendi, en tel ardure, Einsi si qu'à la nuyt oscure Lors cria à grant alenée: « Halas! où est Justice alée

490 « Halas! où est Justice alée Quant ès cyex à peine la treuve? Y semble que c'est bonne preuve Que justice est par tout faillie. » Einsi se pleint et brèt et crie.

« Or vien avant, maléuré, » Dist Dieu. « J'ay assez enduré; Tens est que tu soiez oy. » Lors fut le Déable esjoy Et monstra tantost sa semonse.

Jhésucrist dist à l'audience
Que l'en féist par tout silence
Et apelast l'Umain Lignage.
Lors n'y out nul saint, tant fust sage,
A cuy tout le cuer ne frémist.
L'audience tout haut se mist
Et l'Umain Lignage appela,
Et disoit de chà et de là:
«Se il i a nul qui les secoure,

Si vienge avant; il en est houre. »
Il cria diz foiz, voire vint;
Nul n'y envoia, ne ne vint.
Chescun se tut tout esperdu,
Quer bien cuiderent que perdu
Fust l'Umain Lignage à ce point;
Es cyex n'out lors de joie point.
Sathenas, qui avant sailli,
Cuida qu'il n'éust pas failli,
Mès il parla mout simplement

520 Et dist maliciousement: « Ne cuide nully que je vuille Que l'Umain Lignage se duille Par moy, ne par ma plèderie. Halas! ce ne demant je mie; Je n'ey pas la cole si haute, Combien qu'eulz soient en defaute. Vous, » dist il à Dieu, « qui avez Toute science, bien savez Comme tel défaute est punie.

Et ses grans sentences fulmine
Quant l'en ne vient à droit termine.
Je ne suy mie si cruel,
Quicunques ait entendu el;
Je vuil courtoisement plèdier;
S'il fust qui lour vousist édier,
Procéder amiablement
Vuil jeu; d'el ne suy en dement.
Une letre sans plus demande

540 Assez petite, non pas grande, En laquele il ait contenu Que je suy à mon jour venu Et me suy à houre déue Comparu à vostre véue.»

Tout ceu disoit il par malice; Il requéroit droit et justice, Ce pèroit; qu'i micoignéust Ne li chaloit, fors quil péust, Comment qu'il déust avenir,

550 L'Umain Lignage retenir Par péchié d'inobédience Et avoir sur ce la sentence; Quer nos premiers pères en furent Dampnez, quer par cela déchurent Tous ceulz de lour succession; Mès Jhesus en sa passion Les absoust touz de ce péchié; Par cela sommes redréchié. Mès le Déable s'avisa,

560 Qui touz jors mauvès avis a
Et touz dis pense à traïson
Qu'il nous rauroit en sa prison
S'en cel pechié nous péut mètre.
Pour ce demanda il la lètre
Se tel grace péust trouver;
Par cela péust il prouver
Que fusson inobédiens
Pour mètre nous en ses liens.

Mès Dieu, qui est de tel nature

570 Qu'i coignoist toute chose oscure

Et qui pour nous y entendoit,

Vit bien à quel fin y tendoit.

Si li dist en ceste manière:

« Fuy t'en, Sathan; va t'en arrière;

Quer ta péticion refuse.

Tu scéz que juge souvent use,

Sans fère ne pechié ne vice,

Teil foiz est de pure justice,

Et auchune foiz de rigour,

580 Qui est de trop greignour vigour,

Et aucune foiz d'équité;

Tu scéz bien que c'est vérité.
Tout juge, se tu t'en recordes,
A bien en son arc ces .111. cordes;
De laquele qu'il veut peut trère,
Et Droit n'est pas à ce contrère.
Considère ces .1111. clauses,
Tens et lieus, personnes et causes;
Juge, qui ce veut regarder,

Suge, qui ce veut regarder,
En feisant, tout de son office,
Equité, rigour ou justice.
Souvent doit l'en, ce dit la lètre,
Devant justice équité mètre;
Je ne fèz point d'iniquité
Se je vuil user d'équité,
Et d'équité vuil jeu user;
Quant à présent bien peus muser.
Nous assignon et remuon,

600 Aloignon et continuon,
Et pour cause toute aprouvée,
A demain iceste journée,
Pour ce qu'il puisse miex valoir. »
— « De tout ce ne me peut chaloir, »
Dist Sathan, qui luy contr'argue :
« Ha, qu'est Justice devenue ? »

— « Comment?» dist Jhesucrist. « Arrière Sathan, es tu de tel manière? D'équité user voulion, 610 Si comme nous te dision;

Mès, quant l'en fèt droit, deul en as.

Trébuchiez moy cel Sathenas, » Dist il, « tout hors de Paradis ; Aussi en chaït il jadis. » Des Cyex fut jeté à grant honte.

Si fist à ceulz d'Enfer son conte Comment l'en l'avoit mal trètié Et comme il avoit esploitié. Touz ceulz d'Enfer y acoururent;

Ose les autres nouveles furent
Dures et mauvèses et sures,
Cestes furent encor plus dures.
De lour besoigne assez parlèrent
Et toutes voies s'acordèrent
Que nul ne peut juge acuser
Puis que d'équité veut user,
Et, se grâce n'est départie
De juge à présente partie,
Il n'est mie pour ce parjure,

630 Ne il ne fet à nul injure.

Einsi disoient lour avis

Les Déables, ce m'est avis.

La Court des Cyex fut mout troublée,

Où joie seut estre doublée,

Quer mout lour desplut et costa;

Un grant concile en ajousta.

Par lieux s'aloient assemblant

De creinte et de poour tremblant,

Et couroient par chà, par là;

640 Chescun l'un à l'autre en parla; Du Lignage Umain doute avoient, Mès conseil mètre n'i savoient.

Bien disoient tout esperdu
Que tout le Monde fust perdu,
Se ne fust la misséricorde
De Dieu, chescun d'eulz s'i acorde,
Qui si bien avoit besoignié
Que le jour estoit aloignié
A lendemain, par équité;
650 Chescun dit que c'est vérité.

Tant parlèrent de ces merveilles
Que la rumour vint as oreilles
De la douce Virge Marie
Qui de cela fut plus marrie
Que qui ly donnast un buffet.
Elle enquist tout le voir du fêt
Et sout qu'i n'y out rien mué,
Mèz le jour fut continué
A lendemain certeinement.

"A controlled on the controlled of the controlle

670 Onques ne fut tel joie fète Com les Sains de Paradis firent; Quer la délivrance bien virent Puis que celle out la chose emprise, Qui est si sage et si aprise Que rien ne creint, ne rien ne doute, Ne le Déable, ne sa route.

Le desloial procuratour, Qui fut trébuchié de la tour De Paradis vileinement,

680 Si com je dis premièrement,
En cui de paresce n'a point,
Acourt très bien matin rapoint.
En consistore s'est tapi,
Mès n'y out sarge, ne tapi.
Mès au cuer out tant d'amertume
Que tout en esprent et alume,
Quer grant doute [a] que nul ne viegne
Qui l'Umain Lignage soustiegne.
Tantost vit Jhesucrist venir,

690 Pour droit et jugement tenir, Noblement et en grant arroy, Si comme il apartient à roy.

La mère au roy, qui tout cria,
Oy bien que chescun cria
Que le Déable estoit venu.
Y n'i out ne grant, ne menu,
Angre n'archangre, saint ne sainte,
Qui n'éust grant doute et grant crainte
Qu'il ne jut, ne ne sommeilla.

700 Tout maintenant s'apareilla Pour aler à celle journée; Mout fut richement atournée;
Quer toute la chevalerie
Des Cyex vint en sa compaignie.
Quant el dut de son lieu partir,
Maint angre y out et maint martir,
Et tant de virges y avoit
Que nul le nombre n'en savoit,
Et si y revint maint apostre.

Puis que ma Dame la reyne
Veut desfendre cette atayne. »
Einsi la Mère Dieu menèrent
Et de lie loer se penèrent;
Chescun en passant l'enclina
En chantant: Ave Regina;
De douz chans chantè[re]nt assez;
Nul n'en poveit estre lassez;
Chescun disoit en son langage,

720 Pour donner li greignor courage:

« N'aiez pas des péchéors honte;

Y ne fust pas de toy tel conte,

N'au filz Dieu ne fusses pas mère,

S'Adan, nostre premerein père,

N'éust péchié par son outrage;

Soustien donques l'Umain Lignage,

A cuy tu es si bien tenue;

Bien scéz que tu en es venue. »

La Dame ne s'en courcha pas,

730 Mès tout belement, pas à pas S'en vint très bien matin à court. Bien sceit que pas ne sera court Le plèt, quer certeinement pense Qu'elle y mètra bonne deffense. Par là où la Dame passa Chescun y vint et entassa, Et disoit chescun à grant joie: « Véz ci ma Dame; fètez voie. » Einsi s'en vint en consistore

740 Desirant d'avoir la victore, Et vint, Dieu mercy, tout à tens. Jà iert le mal advocat ens, Qui ne fesoit mès fors atendre Que il péust deffaute prendre.

Quant Dieu vit sa mère venir, De rire ne se pout tenir Et, quant il la vit apreuchier, Nul ne li pourroit repreuchier, A sa destre la fist séer

Quant la mère Dieu fut assise
Aprèz son fils, qui tant la prise,
Et elle out .1. poy atendu,
« Beau filz » dist el, « j'ay entendu
Que Sathan, pour ne scey quel chose,
Vers l'Umain Lignage s'oppose
Et l'a fèt devant toy semondre,
Et je suy preste de respondre
Se l'en lour veut rien demander.

760 Or li fey donques commander Qu'il viegne plèdier sans déloy. Il sceit assez Canon et Loy
Pour troubler 1. bon jugement,
Et tu scèz bien certeinement
C'onques bien n'iessi de sa bouche.
L'Umain Lignage trop me touche,
Quer j'en suy estrète et nourrie.
Or ploure le Déable ou rie
Et sace grant deul et grant noise,

770 Pour eulz serey, comment qu'il voise;
Viegne avant; si face sa pleinte. »
Adonc n'y out ne saint, ne sainte,
Qui la Dame ne merchiast,
Et qui tout haut ne s'escriast:
« Véz là le mauvèz sourquidié
De bien et de grace vuid[i]é,
L'orde, puant beste camuse,
Celuy qui nos frères acuse.
Onques ne cessa, ne ne cesse

780 De fère au Lignage Humain presse.
Or est tout mu et tout tremblant;
Il ne fèt mie le semblant
Qu'il fist par plus de cent foiz ier;
Onques ne cessa de noisier.
Or viegne avant dire son conte. »
Lors out il grant deul et grant honte,
Quer bien pensa que sa besoigne
Seroit toute tenue à hoigne.
Il vint, quant il fut appelé;

790 Mès pas ne doit estre celé Qu'il vint tenant la chière basse, Comme povre persone lasse;
Quer il n'osoit pas regarder
La Virge, qui devoit garder
Tout l'Umain Lignage et deffendre.
Et si redoit l'en bien entendre,
Tout fust elle esperituel,
Qu'elle esgardoit d'uyel si cruel
Que bien pèroit la douliance
800 De son cuer par sa contenance.

De son cuer par sa contenance.

« Or chi, » ce luy dist nostre Sire,

« Di tantost, se tu veuz rien dire,

Encontre le Lignage Umain

Pour quoy huy es si venu main.

Or te délivre en brief espace. »

— « Ha, » dist Sathan, « sauf vostre grace

Gardez ne fètez chose neuve

Et que sanc et char ne vous meuve.

Père saint, tu es vérité

810 Et es en touz lieuz équité.

Tu dis que je die ma cause;

Non ferey; là n'en direy clause,

Non pas une soule parole;

Je ne voy à cuy je parole.

Tu scéz qu'avoir doit vraiement

.III. persones en jugement;

L'auctour faut, et le deffendant,

Et le juge, qui entendant

Doit estre à jugier par rèson,

820 Quant il en est tens et sèson.

Le deffendant ne voy je pas. »

La Virge dist ysnelepas: « .III. persones, dist Sathan, faillent A ce que les jugemens vaillent, L'auctour, le dessendant, le juge, A cuy les .11. pars ont refuge. Le juge y est, loial et sage, Et je y suy pour l'Umain Lignage, Mès [chi] je ne voy pas en estre 830 Nulluy qui pour l'auctour puisse estre, Et Droit dit, chescun bien le sceit, Que tout le premier fondey seit. Le contrère ne vi jeu onques. » Le Déable respondi donques : « Je suy bien, à m'entencion, Fondey par procuration, Quer le juge bien l'esprouva; Onques fausseté n'y trouva Et pour ceu oy jeu la semonse. » 840 A ce fist la Dame response, Aussi com fame qui s'aire, Qui de légier s'esmeut à ire, Et dist : « Quant tu te fèz partie, Y convient que j'aie copie De ces instrumens que tu dis. » - « Je seroie trop errendis, » Dist Sathan, « se je la bailloie Devant que ma partie voie. A cui seroit elle baillie?»

850 — « Véz me cy toute apareillie, » Dist la douce Virge, « en présent ;

Pour advocat me représent.» Le Déable respondi là, Qui son engin lors afila: « Entent, Père saint, et regarde, Tu, qui es de vérité garde, Ta mère ne doit estre oye En fèt qui soit d'advocacie. Adverti toy que Droit commande 860 Fame ne peut fère demande N'estre pour autre; c'est la somme; Tel office apartient à homme. Derrechief, c'est bien chose clère, Tu es son filz, elle est ta mère; Le soupechon est tout voiable, » Ce dist Sathenas, le Déable; « Ta mère est, si l'aymes et croiz, Ne de lie croire ne recroiz; Si t'aureit tost, je n'en dout mie, 870 Tourney par devers sa partie. Pour ces .11. causes di jeu voir Qu'en ne la doit pas recevoir.» La douce Virge graciouse Fut de respondre curiouse; Si respondi en cette guise: "Beau chier filz," dist elle, "or t'avise Que tu ne soiez desvoié Par la fraude à cest renoié. Il aferme, pour toy dechoivre, 880 Que tu ne me dois pas rechoivre. Il ment, jeu di en audience,

Et dit contre sa conscience;
Onques ne fut en ly trouvée
Verité, c'est chose prouvée.
Beau fils très douz, bénéuré,
Tu as de luy trop enduré;
Tout sens, tout bien et tout los as;
Les Droiz féis et composas;
Tu scéz qu'il ment desloiaument.

890 Se fames tout généraument
Ne pevent pour autres plèdier,
Si pevent eulz de droit édier
En aucuns cas especiaus
Par devant touz officiaus,
Et en ces cas ont avantage.
Petiz enfans desouz aage,
Véuves fames pitéables,
Tiex gens, maugré touz les Déables,
Pevent fames par droit deffendre,

900 Et le juge les y doit prendre.
Je croy qu'i n'est desouz le trone
Si très misérable persone
Com le Monde et l'Umain Lignage,
Que Sathan u premier servage
S'efforce mout de ramener
Pour perpétuelment pener.

Après je suy, parmy son conte, Mère au juge. Ce n'est pas honte; C'est hennour et non pas diffame.

910 Se mère suy, donc suy je fame; Quant l'en m'apele au jugement,

Comme fame, non autrement, Rechois m'i donc; c'est ma requeste. Contre celle mauvèse beste Le fèt vuil comme fame emprendre; A moy apartient à deffendre, Quer qui est de l'Umain Lignage Peut ci avoir trop grant damage Et j'en suy voir, je m'i nye mie;

920 Si vuil deffendre ma partie; Ce n'est pas droiz que je m'en tèse. S'escumminiée mauvèse, Ou juye ou herétique fusse, Mes deffenses sauves éusse. Donc doy jeu, je n'en doute mie, En moy deffendant estre oïe. Aprèz tu scéz, beau chier filz monde,

.III. estaz de gens a u monde

Virges, mariées, continens.

930 Quant en Paradis chà vin ens, J'avoie [bien] touz les .111. ens. Bien [tu] le scez et bien le sens; Des .III. estaz suy alosée. A Joseph fuy jeu espousée; Virge fuy jeu, de ceu me vant, Aprez l'esfanter et devant. Virge te portey tout mon terme Aussi comme .1. grain de blé germe Et donne fruit et se bourjonne 940 Sans ceu qu'autre grein ne li donne

Aïde ne soustènement.

Einsi, sans nul atouchement
Te conchuy jeu et esfantey,
De quoy encor hennour grant ey.
Tu véis semblable miracle,
Quant Aaron u tabernacle
Mist la verge sèche, flestrie
Pour avoir de prestre mestrie,
Et la verge si se prouva

950 Qu'à lendemain l'en y trouva,
Branches et flors et fruit méur.
J'ay ce me semble autel éur
Que je conchuy, sans acouchier,
Ton cors, que je n'ey pas pou chier.
Je puis bien dire en audience
Que j'ay bien gardé continence;
Nul ne me peut de ceu reprendre.
Donc di jeu que je puis deffendre
Touz les .111. estaz de damage,

960 Qui sont en tout l'Umain Lignage,
Et, pour ce qu'en vaut la celée,
Doy advocat estre appelée.
Or me rechois donc orendroit
Quant il est contenu en Droit;
Quer .1. estrange y rechevroies
Et bien recevoir li devroies
Selon les rèsons que j'ay dites,
Qui toutes sont en Droit escriptes »
Le Sathan, qui de deul fondi,
970 Par grant ire lui respondi:

« Tu ne le seras pas encore;

J'en demant interlogutore. » Les rèsons des .11. pars oïes Jugié fut entre les parties Que nostre Dame plèderoit Et que Déable li feroit De toutes ses lètres copie. Quant el les out en sa baillie, Onques tant n'es sout esprouver 980 Que défaute y péust trouver. Mès el dist aussi com par ire: « Or die ceu que voudra dire Cel desloial procuratour.» - « Volentiers, » dist il, « je m'atour A dire sans plus reposer. Mon fèt einsi vuil proposer. Syre, je di, quant à présent, Quant aucun despoulli[é] se sent, S'il veut procéder loiaument, 990 Au premier doit principaument Requerre sa possession. Bien scéz que la condicion De cil qui poursiet, Droit l'aferme, Est la meillour et la plus ferme. C'est ce maintenant que je quier. Comme procuratour, requier, U nom de la grant compaignie D'Enfer et de sa félonnie, D'estre restitué de plein. 1000 Despoullié suy, dont je me plein; Ma possession doy ravoir,

Quer chescun scet et doit savoir,
Par tout est la chose sçéue,
Que j'ay possession éue,
Bonne, souffisant et pèsible,
De porter en Enfer l'orrible
Et de tormenter à grant rage
Trestouz ceulz de l'Umain Lignage.
Droit dit, et si font tuyt li mestre,
1010 Que les despouilliez doivent estre
Restituez premièrement,

O10 Que les despouilliez doivent estre
Restituez premièrement,
Ains que l'en voise au jugement.
Pour ce di jeu avant toute euvre,
Anchièz que de rien ma bouche euvre
Pour plèdier ne pour opposer,
Qu'arrière me doit l'en poser
En pèsible possession.
Ce fèt, je vuil que nous dïon
Nos fèz, si comme Droit dourra;

L'advocat à l'Umain Lignage
Respondi, et dist comme sage:
« Entent, beau filz bénéuré,
Le fel desloial parjuré
Le Sathenas, filz de déable,
Filz d'iniquité, mal créable,
Qui est auctour de ceste chose
Et fausseté aus Droiz impose.
Il est mout bien acoustumé

1030 De mentir, le fel enfumé; Sa menchonge touz aperchoivent Les auctors, dist il, estre doivent
Restituez premièrement.
Les Droiz l'entendent autrement;
Il ment, le fel advocat ort;
Ce sont les despoilliez à tort
Que l'en doit, ce dit bien la lètre,
Arrière en possession mètre.
Donques ne doit pas, quant à voir,

L'autour possession avoir.

Et si di plus; le deffendant,
Ce font bien les Droiz entendant,
Qui a poursis notorement,
Non par force, mais justement,
Par bon titre, en bonne manière,
Doit l'en restituer arrière.

Mès onques Sathan le traïtre
N'i out bonne foy, ne bon titre,
Ne il n'en a lètre ne chartre;

1050 Bien est voir qu'il gardoit la chartre Comme .1. bedel, comme .1. truant, Comme .1. autre garson puant.

Par ce di jeu, à ma deffense,
Beau très douz chier filz, or y pense,
C'est de tout Droit l'entencion,
Que cil a la possession
Et doit avoir, c'est texte et glose,
En queil non l'en poursiet la chose.
Beau très douz filz, or cy avise;
1060 La chose est en ton non poursise,

Tu possis Homme et posséis,

Quer tu le crias et féis.

Donc est [il] tien, ton droit y as,

Quer tu le féis et crias.

Sathan, ce peut l'en bien savoir,

N'i pourroit bonne foy avoir,

Ne n'a, ne n'out en chose estrange.

Bien pert que voir à faus nous change,

Et, s'il a poursis longuement

Ou, pour parler plus proprement,
A force en prison détenu
De quoy est donc cest droit venu?
S'il le tint en estrange non,
Sera il sien? Je croy que non.
Qui droit et reson voudra fère,
Nul ne peut dire le contrère.
Nulle longue prescripcion
N'aïde à tel possession,
Où bonne foy n'est bien gardée;

N'onques ne poursist en sa vie
De bonne foy, que que nul die,
N'onques n'en fut, fors détentour.
Or voist hardïement entour
Et rechine assez et escume,
Quer je respon Droit et Coustume
Que porséer est autre chose
Que retenir; bien dire l'ose;
Il est escript en la Digeste.

1090 Donc faudra il à sa requeste; Quer je puis bien conclure donques, Quant possession n'en out onques, Que restitué n'iert il mie; Quer, là où il a tricherie Sans bonne foy, sans loiauté, Ce ne seroit pas égauté Qu'il éust restitucion Sans titre, par présumpcion. Tout einsi est il en propos,

1100 En ce que je di et propos.

Di moy, dampné et reprouvé,
Te souffict ceu que j'ay prouvé?

« Or me di, la Trinité toute, Mon chier filz, qui ci nous escoute, Le Saint-Esperit et le Père, Ne firent il, c'est chose clère, Le premier père à lour ymage, De cuy vint tout l'Umain Lignage? Donques es tu bien déchéus.

Chose estrange bien porséer?

Nul droit ne s'i peut asséer.

Donc dois tu estre refusez

Par droit. Or respon, se tu scez. »

Le Déable de deul fondi Et par engaigne respondi : « Qui voudroit croire ceste dame, Jamès en Enfer n'yroit ame; Mès y ne seroit pas mestier.

1120 Mout s'est or prise à beau mestier, A noisier et à jargonner;

Nul ne peut .1. soul mot sonner, Fors lie, en tout cest consistore. J'en demant interlocutore, Que ma longue prescripcion M'aquert par Droit possession. » Véus les droiz souffiesaument, Véu les rèsons loiaument De l'une et de l'autre partie, 1130 Y fut dit que par Droit n'est mie Le Déable institué. Qui adonques l'éust tué, Il n'éust mie plus frémi. Pour la Mère Dieu, qu'il crémi, Rechina et fist male chière. Sa main mist à sa gibechière; Si en sacha hors une Bible. Mout enfumée et mout orrible, Pour nostre advocat desconfire; 1140 Et commencha tout haut à lire U Genesi, où Dieu manda A nos pères et commanda Ces moz, qui ci sont arrengiés: Bien vuil, dist il, que vous mengiés De tout le fruyt que trouverez, Tant comme en Paradis serez. .I. excepté tant soulement. Se vous en mengiez, vraïement En l'oure de tel mort morrez

1150 D'ont delivrer ne vous pourrez.

Il entendi de mort seconde,

Ce dient touz les clers du monde, Et, qui veut parler proprement, C'est la mort d'Enfer droitement; Ce n'est rien autre chose à dire. » Lors se tourne envers nostre Sire Et li dist tout en audience : « Regarde. Est ce ci ta sentence? » Jhesucrist dist: « Oil, sans faille. » 1160 Dist Sathan: « C'est droit qu'i me vaille. Quant Adan et Eve féis Et en Paradis les méis, Tu déis que des fruyz menjassent, De touz, fors qu'à .1., n'atouchassent; Ton commandement bien orrent, Mès de touz poins désobéirent Et contre ton vouloir péchièrent, Quer par lour folie mengièrent La piere pomme du pourpris, 1170 Et pour ce furent il pourpris De maladie si cruel Qu'el doit estre perpétuel En toute leur postérité. N'es tu justice et vérité? Fey donc tes paroles estables, Ou tu n'es mie véritables, Et met à condempnation Adam et sa succession. » Nostre bonne advocate arrière

1180 Respondi en ceste manière:

« Beau filz, entent à mes paroles.

Ne pense pas aus paraboles De cel fel, plein d'iniquité. Il a dit d'une auctorité Le chief maliciousement, Mès il a fraudou[lou]sement La quéue celée et téue. Devant toy, et à ta véue, Je treuve u Genesi escrites,

Comme Sathan mauvèsement,
Que luy que son commandement,
Le mauvèz conseil conseillièrent
A nos pères, d'ont il mengièrent
Le fruyt qui lour iert deffendu,
Qui puis lour fut mout chier vendu.

« Sathan dist en ceste manière A Eve, la fame première: Quant vous de cest fruyt mengerez,

Et bien et mal saurez ensemble;
Il ne veut que nul li ressemble.
Et, pour ce qu'elle se douta,
El li dist: Ici grant doute a;
Dieu nous dist que nous mourrion
Quant de cel fruyt mengerion.
Sathenas dist, sans demourance:
Non ferez, n'en aïez doutance;
Dès ce que mengié en aurez,

1210 Autretant comme il sçeit saurez. Et einsi par sa traïson Firent il la grant mesprison.
Selon le sens de celle clause,
Sathan fut de lour pechié cause;
Il fut de lour mort achèson.
Si di, par droit et par rèson,
Qu'il ne doit pas estre escouté
Contre eulz, mès tout hors debouté.
Pas n'i doit estre rechéu

Je di que fraude ne doit mie
A celuy qui fêt tricherie
Edier, mès el le doit confondre.
Ici ne sauroit nul respondre.
Nul ne doit estre relevé
De ceu dont doit estre grevé,
Quer chescun doit en son outrage
Avoir vilenie et damage,
Et, s'il les povet accuser

1230 Pour le fruyt qu'i lour fist user,
Sa fraude li profiteroit,
Et bien pour mal reporteroit,
Et auroit ateint son vouloir
De ceu dont il se doit douloir.
C'est cas exprèz de Décrétale.
Je vuil donques qu'il se dévale
Et qu'il soit bien vileinement
Débouté de cest jugement,
Et hors de ceste court chacié,

1240 Quant par luy furent enlacié Ceulz méesmes qu'il fèt semondre. Je ne deigneroie respondre
A luy, ne à ceulz de sa route,
Quer Droit méesmes hors les boute. »
Quant le Déable oy ceu dire,
Il s'enfla si de deul et d'ire
Qu'a bien petit qu'il ne creva,
Quer la response le greva.
Si dist au juge par malice:

Ne me soiez pas tant contrère;
Fey com bons juges doivent fère,
Qui en cest cas en tout costé
Veulent user de lour posté
Et ensuyvre droit et justice.
Or, soit posé sans préjudice
Que je soie de ma demande,
Si com celle dame demande,
Et refusé et escondit,

Quer je requier ton noble office,
Où il ne doit avoir nul vice,
Que l'en punisse le forfèt
Dont j'ay la plainte en cest jour fèt.
Posé soit que je me téusse
Et que jamès plèt n'en méusse,
Tu ne t'en devroies pas tère,
Quer tu es tenu à droit fère.
Se les juges droit ne fesoient,

1270 Les mauz impunis remaindroient; Si ne seroit pas équité. A cela, de neccessité,

Et ce sceivent grant et menu,

Chescun juste juge [est] tenu.

Or punis donc de ton office

Le Monde, ou cy faudra justice. »

Nostre graciouse advocate

Ne se tint pas à tant pour mate:

« Beau filz », dist elle, « entent à moy.

1280 Ne t'aym je tant et tant t'amoy,
Et tant souffri pour toy de peine.
Tu es équité souvereine;
Tu es plein, chescun s'i acorde,
De douchour, de miséricorde.
Beau filz, le di premièrement,
De rigour de Droit proprement,
Que le Déable ne doit mie
Estre oy à rien que il die;
Ton office requiert ce dit.

Nès g'i mettroy tel contredit
Qu'il ne l'aura en nule guise,
Quer il a autre voie emprise.
Où a il or cest droit trouvé,
Le fel traïtre réprouvé?
Tu scèz, quant aucun ou aucune
A de bonnes voies plus d'une,
Tendans à ceu quil veut ataindre,
Le juge le peut bien contraindre
A une ces voies eslire,

1300 Quer une soule en doit souffire, Et à celle se doit tenir; Aus autres ne peut revenir
Ne retourner méesmement,
Puis qu'elle est dite en jugement.
Einsi est il; ce n'est pas doute;
Ce sceit la compaignie toute.
Combien que le Déable éust
Plusors voies, si li pléust
L'une petite, l'autre grande,

Que pas à confesser ne pense,
Que pas à confesser ne pense,
Quer g'i méisse grant deffense.
Il se parfist si très apert,
Si com par le procèz apert,
Qu'il se fist contre moy partie
Et commencha sa plèderie,
Fondé par procuration,
Pour venir à s'entencion.
Or voit qu'il ne se peut secourre;

Et vient ton office requerre.

Ja n'avendra en nulle terre;

Quer einsi auroit il .11. voies.

Beau fils, y faut que tu y voies,

Ou je seroie déchéue.

C'est chose einsi [bien] coignéue;

Je di que de droit ne peut prendre

Autre voie pour moy reprendre.

« Ne fist il sa péticion 1330 De ravoir restitucion? Mès il i fut tout hautement Refusé, par droit jugement, Qui vit les Droiz et qui les lut, Puis que certeine voie eslut, Que l'autre puisse recouvrer. L'en ne peut pas einsi ouvrer; Quer, se celle voie failloit Et à la tierce rassailloit, Einsi raroit il quarte et quinte;

1340 N'en parole nul, ne ne tinte;

Ce seroit cercle droitement,

Que Droit répreuve malement;

Touzjors pourroit einsi tourner,

Semondre huy, demain ajourner,

Puis faire une péticion.

Jamès à fin ne serion,

Et einsi par son fel langage

Mètroit il sus aus Droiz la rage;

Mès ceu ne doit l'en mie dire.

Dont il i est si bien chéu,

Beau filz, comme tu as véu.

« Plus y a. Beau filz gracious, Tu scéz que cel malicious Sathenas, le fel homicide, De restitucion l'aïde Requist, tout de prime venue, Qui extraordinare est tenue. Mès trop poy luy valut son dit,

1370 Quer il fut par Droit escondit
Et par juste interlocutore,
Dont courchié fut, et est encore,
Ne onques Sathan pour cela
De la sentence n'apela,
Dont est elle, comment qu'il chie,
Trespassée en chose jugie.
Bien voiz que je ne di que voir.
Donc ne le dois tu recevoir
A ceste derrenière voie;

1380 Trébuche ley, si l'en envoie, Quer nul ne se doit esjoir De sa desloiauté oir. »

> Chescun sceit que de sa nature Est fame frelle créature Et que de légier creint et doute; Einsi fut il, ce n'est pas doute. La Virge creignoit le damage Et le mal de l'Umain Lignage; Si très grant pitié en avoit

1390 Qu'a poy que parler ne savoit. Quant Sathénas vit demourer, D'angouisse se prist à plourer; Quer c'est toute la contenance De fame, quant elle a doutance De perdre ceu qu'el doit garder. Lors la péust l'en regarder Aussi simple comme une teurtre, Et ensemble ses mains déteurtre, Trembler, fremir et sanglouter,

1400 Eschaufer, suer, dégouter; Elle estoit si lasse et si vaine Que sus lie n'avoit nerf, ne vaine, A quoy l'en ne s'aperchéust Que grant angoisse au cuer éust.

Qui véist la Virge hennourée, Si courchie et si emplourée, Nulluy de si dur cuer ne fust, Et fust plus dur ne fer ne fust, Qui jamès pour rien se tenist

Lors la véist l'en souspirer
Et puis sa robe dessirer
Tout contre val vers les mameles,
Que tant avoit tendres et beles,
Et puis remonstroit sa poytrine
A son filz, la douce royne,
Et devant li tout à genous
Se mètoit pour l'amour de nous,
Puis se restendoit toute plate.

1420 Onques advocat n'advocate Sa cause si ne deffendi Quant devant son filz s'estendi;
Ce fut à plours, en souspirant
Et en sa robe dessirant,
Et disoit en ceste manière
De très douz vis, à simple chière:
« Beau fils, ne croy [pas] cel déable

Qui me hèt, il est bien véable. Tu le dois par rèson haïr.

1430 N'est ce cil qui te fist trahir
Et qui aus Juyes t'enlacha?
C'est cil qui en ton vis cracha
Et qui te lia à l'estache;
Il te fist fère mainte trache
De grans plaies par my le cors.
Tu en dois bien estre recors;
Mout te fist lèdir et reprendre
Et puis te fist en la croiz pendre.
Tant laboura il et chevi

Je te vi pendre en la balance
Et te vi férir de la lance,
Et te vi d'eisil abrevrer.
Nul ne m'en povoit dessevrer;
Je demourey, que touz le virent,
Quant les Apostres s'enfuïrent,
Et Nature le m'aprenoit
Si que prèz du cuer me tenoit;
A nul ne devoit tant tenir.

1450 Comment pourroit ceu avenir Que cil, qui tant te fist pèner Et qui te sist si mal mener,
Et maintenant par son malice
Vient requerre ton noble office,
En nulle manière l'éust
Ne quel[le] grace avoir déust?
Ne t'occist il de mort amère?
Ha! beau douz filz, je suy ta mère,
Qui te portey .ix. mois entiers;

1460 Tu me dois oir volentiers.

Je t'ensfantey mout povrement
Et te nourri mout doucement.
Ta mère suy, mère m'apeles.
Beau filz, regarde les mameles,
De quoy aleitier te souloie,
Et ces mains, dont bien te savoie
Souef remuer et berchier.
Tu me féis le cuer perchier,
Quant tu sousfris de mort l'angoisse;

Toutes les foiz quil m'en souvient,

Mèz endurer le me convient.

Einsi la douce Virge sainte
Fesoit à son filz sa complainte
Com mère qui enfant doctrine,
En demonstrant li sa poytrine,
Et luy raloit amentevant
Souvent ce que j'ay dit devant:.

« Beau filz, » dist elle comme sage,
« Tourne vers moy ton douz visage.

1480 « Tourne vers moy ton douz visage. Ne suy jeu ta mère Marie? Véz ci Sathan qui me tarie Et ton noble office demande. Il fist au premier sa demande Et sa requeste folement; Or est maintenant en dément, Quant il voit qu'elle n'est pas fète, De jouer d'une autre retrète. Or vient maintenant par malice

1490 Requerre que de ton office
Soit l'Umain Lignage puni;
Il est bien mestier qu'aucun i
Sache sa fraude aperchevoir,
Quer onques ne dist bien ne voir.
Nostre plèdier as entendu;
Je requier que droit soit rendu.
Oy ses rèsons et les moies,
Se Sathan miex que moy amoies,
Ce seroit bien contre nature;

1500 Je ne te requier que droiture; Onques à nul tort ne féis. S'au Déable plus obéis Qu'à ta mère, n'à sa partie, Oste moy du livre de vie. »

Quant Jhésucrist le debonnère Vit à sa mère tel deul fère Et demener tel contenance, Et i li souvint de s'effance, Que nourri l'avoit doucement,

1510 Il empesa trop malement Et il s'en dut bien aïrer Quant par deul li vit dessirer
La robe qu'elle avoit vestue
Et il vit sa poytrine nue;
Ne cuide nul que li pléust
Longuement, einsi ne péust
Sa grant tristresce consentir.
Cuer, se dit l'en, ne peut mentir,
Quer poy vaut cuer où amour n'a.

1520 Vers le Déable se tourna,
Si dist: « Sathan, va t'en arrière;
Quer ta requeste et ta proière
De mon office, qu'as requise,
Te refus jeu en toute guise,
Quer par cause t'en escondi. »
Sathenas rien ne respondi

A Jhesucrist ne à sa mère, Mès il se tourna vers le Père Et devers li Sains Esperis,

Lour escria tout fust péris.

Lour escria tout hautement:

« Or regardez; beau jugement

Chescun peut bien avoir véu,

Que sanc et char l'ont si méu,

Non pas la devine science,

A pronuncier teile sentence.

C'est sa mère qui, par plourer,

A fet justice demourer,

Et par crier et par tencier.

1540 Je le dis bien au commencier,

Ce peut toute la Court savoir,

Que doutouse chose est d'avoir La mère au juge en son contrère; Mès l'en n'en vout rien pour moy fère. Or lessiez, » dist Sathan, « lessiez. J'ai esté .1. petit plessiez, Quer chescun me pense à grever; Mès je me pense à relever Si bien, qui de droit ne faudra, 1550 Que response rien n'i vaudra. »

Lors dist à la Virge Marie:
« Or chà, dame, estez-vous garie?
Aurez-vous huy assez plouré?
Mon droit est par vous demouré;
Mès vous orrez jà tiex nouvelles
Qui ne vous seront guères beles.
Plus direy que vous ne voudrez,
De quoy en la fin vous doudrez. »

Par sa malice et par sa guile

1560 Sacha de son sein l'Evangile,
Et commencha tout haut à lire
Là où Jhesucrist souloit dire:
Le prince du monde est venu.
« Se ceu, » dist il, « n'est maintenu,
Dont l'Evangile fêt tel conte,
Je di que ce sera grant honte.
Père saint, » dist il, « il te touche,
Quer tu le déis de ta bouche,
Dont il ne doit iessir que voir.

1570 Se tu fèz donc bien ton devoir Je suy de tout le monde prince,

Non pas, sans plus, d'une province, [Mès] de par tout, tant comme il dure, Quer de moy parle l'Escripture. Se tu es droit prince et loial, Je doy estre prince roial De fèt, ou le tien à frivole. L'Evangile, qui en parole; L'en ne doit pas tenir à vaynes 1580 Ces paroles, mès à certaynes, Et ce doit estre chose ferme Tout quanque l'Evangile afferme. Et c'est le sens, je n'en dout mie, Oue les bons sont de ta partie Et les mauvez sont de la moie, Quer y n'i a nulle autre voie. Souvent avient entre nous deuz Chose dont nous avon touz deuz, Et tu scéz bien que Droit s'acorde

Ou riote entre .11. parties
Pour aucunes parchonneries
De preucheine communauté,
Tout bon juge, par loiauté,
Se doit sus cel point aviser
Pour la riote deviser,
Et soit la chose si partie
Que chescun ait loial partie.

« Entre nous .11., s'il t'en souvient, 1600 Souvent rioter nous convient, Quer nos choses sont trop ensemble. Tu fèz mout souvent, ce me semble,
Tel chose à téue qui est moie,
Et je retreuve une autre voie;
Quer je redi par aventure
Qu'elle est moie de sa nature,
Et elle est téue dreitement.
Je hey trop tel estrivement,
Quer nestre en peut maint grant contens;

1610 Puis que, toy et moy, avon tens,
Je te direy que nous feron,
Et tousjors mèz en pèz seron;
Si ne t'en devra pas peser.
Nous feron biens et maulz peser;
Les mauvèz seront miens touz quites,
Et les bons atout lour mérites
Seront touz tiens; rien n'i demande.
Ta part ne sera pas mout grande;
Se je suy des mauvèz seignour,

Quer ton règne, qui droit fera,
U regart du mien ne sera
Pas greignour que .1. grein de mil,
Quer .1. n'en auras pas de mil.
Et pour ce que je hey trop noise
Je te requier, comment qu'il voise,
Que l'en face la chose clère. »
Jhesucrist regarda sa mère

Et luy dist débonnèrement : 1630 « Dame, il parle courtoisement; Y semble que rèson requière; Y convient fère sa proière,
Sil n'est aucun qui la débate.
Puis que vous estez advocate
Au jour d'uy pour l'Umain Lignage,
Donnez bonne response et sage,
Si que vous n'en aïez diffame. »
« Ha! beau douz filz, » dist Nostre Dame,
« Ne soiez pas si esméu.

Quer chescun sçeit et tu le scéz
Que biens et maulz sont jà pesez,
Et pour ceu respon jeu et di
Qu'au saint jour du saint vendredi
Fut pesé ton cors proprement.
Tel jour comme ier fut droitement,
Et tout à sa péticion
Souffris tu mort et passion;
Quer par luy les Juyes te pristrent

1650 Qui en la balance te mistrent;
Par luy fus tu trahi et pris.
Tu, qui es vérité et pris,
Et la bonté de tout le mont,
Je te vi lever contre mont
En la croiz comme en une poise.
Ce fut par luy, mès or l'en poise,
Et le larron plein de pechiez
Refut de l'autre part drechiez,
Aussi comme en une balance;

1660 Des mauvèz portoit la semblance, Qui au monde en pechié demourent, Qui ne te servent ne hennourent;
Tu fus mis en la droite poise,
Où l'en voit bien lequel plus poise,
Et tant y pesas et pendis
Que si qu'en Enfer descendis
Et d'illec les chétis jetas,
Que de ton saint sanc rachetas.
Tant pesas et contrepesas

Sathan y fut, je n'en dout mie,
Qui en atendoit sa partie,
Quer encor n'avoit cognoissance
De son bien, ne de sa puissance
Et je prèz de la croiz estoie,
Où toute courchie m'estoie;
En mon cuer te pesoy dedens
Plus que de lèvres ne de dens.
Tu fus pesé en sa présence

1680 Et il consenti la sentence,
Quer onques n'en fut apelé.
Donc ne peut il estre celé
Que la besoigne est tant alée
Qu'en chose jugie est passée;
Si n'y a plus nul recouvrier.
Or veut maintenant cel ouvrier
Que l'en poist bien et mal arrière;
Je n'ay pas apris tel manière.
Tout autressi font, ce me semble,
1690 Ces enfans qui jouent ensemble;

Quant aucun pert au commencier,

Il se prent tantost à tencier
Et dit : « Or rejouon encore. »
Ce ne vuil-je pas quant à ore,
Quer ce[la] n'est pas aggréable. »

Lors se tourna vers le Déable Et si li dist par très grant ire : « Avant, mauvèz, veulz tu rien dire? Me scez tu respondre ci mot?

1700 Toute la Trinité, qui m'ot, Soit que mon filz, dont j'ay conté, Qui est du monde la bonté, Fut par toy pesé et trahi. »

Le Sathan fut si esbahi
De la response qu'el douna
Que de pièche mot ne souna,
Et, quant pièche s'en fut tenu,
Il dist: « Or est le temps venu
Que merveilleuses choses die

1710 Par devant ceste compaignie. Or y responne qui pourra; Quer tel en rit qui en plourra.

> « Je di que tout homme sera Dampné, qui bien et droit fera, Sauf remède, par .111. rèsons, Ne sauf ne sera jamès hons; C'est tout cler, y n'i a rien trouble. Tout homme par justice double Iert dampné pardurablement;

1720 C'est essample et commandement.

Par essample doit tout homme estre

Dampné, et tourné à senestre;
Se par orguil condempnez sommes,
Pour quoy ne seront donc les hommes
Condempnez, par juste sentence,
Pour péchié d'inobédience?
Dieu ne juge pas par cointance,
Ce sçeit bien chescun sans doutance;
Ce seroit faute de justice,

1730 Qui est en juge trop grant vice;
De ceu nous pourrion nous pleindre.
L'Umain Lignage doit remaindre
Avec nous, et mourir et vivre,
Ou nous devon estre délivre.
Il péchièrent com nous féismes,
Pour quoy u feu d'Enfer chaïsmes,
Et, se ceulz s'en aloient quites,
Selon les choses que j'ay dites
Faveur restourneroit Justice;

1740 Dieu n'est pas si fol ne si nice.

Cest essample doit bien souffire;

Dampnez seront; je l'os bien dire.

« Je di plus; or y preigne garde

Cette fame, qui me regarde.

Qui fèt contre commandement,

Il pèche trop plus malement

Que celuy, c'est chose sçéue,

Qui n'a nulle deffense éue.

Sire, tu commandas à homme

1750 Que il ne menjast de la pomme,

1750 Que il ne menjast de la pomme, Et fut la condicion mise, S'il en menjoit en nulle guise, Qu'il mourroit de la mort de l'ame. Que peut donc dire celle dame? Se nous, sans nul commandement, Sommes toux mis à dampnement, Par plus forte rèson sera Homme dampné, qui droit fera; Quer, par sa grande male honte, De commandement ne fist conte,

1760 De commandement ne fist conte,
Mès l'enfreinst par présumption.
Se ceulz sont à dampnation
Qui sans commandement péchièrent,
Ceulz qui de la pomme mengièrent
Le doivent myex estre d'assez,
Qui commandemens ont passez.
Or responne cette advocate,
Ancièz que plus avant m'enbate
Pour mes grans rèsons desploier.

1770 Fey luy recognoistre ou noier
Et respondre, s'el sçeit rien dire. »
La douce Virge par grant ire
Li dist: « Maléurous chétis,
Tes argumens sont trop petis.
Or entent, Sathenas déable;
En ceu, que tu tiens pour semblable,
A trop poy de similitude;
Qui ne l'aperchoit est trop rude.
Tu argues einsi en somme:

1780 Se nous péchames, si fist homme; Par nostre pechié dampnez sommes; Aussi doivent estre touz hommes.

Mauvèz, je te di que tu mens;

Tu fèz trop fièbles argumens;

Poy sçeit qui bien n'y respondroit.

Y semble que c'est à bon droit

Qu'entre vous, mauvèz esperiz,

Estes sans remède péris.

Entent, mauvèse créature;

1790 Ce fut contre vostre nature,
Quant du péchié d'orguil péchastes,
Par quoy en Enfer trébuchastes;
A bon droit y fustes jeté.
Rien n'aviez d'enfermeté,
Qui fère péchier vous déust,
Ne qui à ceu vous esméust?
Quer Dieu vous avoit si criez
Qu'en vous nul défaut n'aviez,
Mès [estre] ès cyex, sans vous douloir,

1800 O Dieu tout à vostre vouloir;

Mès de mauvestié pourpensée,

Qui à touz vous vint en pensée

Par grant envie et par ardure

Contre vostre propre nature,

Envers Dieu vous enorgueillistes,

Pour quoy u feu d'Enfer chaïstes.

Tel nature n'avoit pas homme;

Adam, s'il menja de la pomme

Et s'il fut inobédient,

1810 Tu scèz bien à mon escient Que de frelle nature estoit,

Qui à cela l'amonnestoit. Cors avoit pesant, fèt de terre, Qui touz jors à l'ame fèt guerre. Et [jeu] pour Adam tant en di Le fruyt que Dieu li deffendi, Quant [il] li enseigna [cest] morst, Quer sa nature l'i amorst. Et pour ceu est il bien voiable 1820 Que ce n'est mie bon semblable D'Omme et de Sathan, ce me semble; Lour nature poy se ressemble. Fragilité Homme blècha; Mès, quant le Déable pécha Ce fut de sa mauvestié pure, En venant contre sa nature, Donc ne vuil jeu, comment qu'il aille, Que ceste rèson rien li vaille; Quer nul Droit à ceu ne s'acorde. « L'autre rèson est fausse et orde. 1830 Sathan, qui de mentir ne lasse, Dit que qui commandement passe, C'est cil qui pèche plus grièment; A ceu li respon jeu brièment. Onques Dieu rien ne commanda Au Déable, ne ne manda; Pour quoy, quer mestier n'en avoit,

Qu'il devoit lessier et quoy fère, 1840 Et ceu qui luy estoit contrère; De sa nature, c'est sans doute,

Sans commandement bien savoit

Coignoissoit il science toute; Il iert de tel perfection Qu'il avoit la cognicion De bien et de mal par nature, Tant estoit noble créature. De tout avoit certeineté. Sans rien sentir d'enfermeté, Et, pour ce que je ci devise, 1850 Pècha il plus en toute guise, En venant contre tel science, Qu'Adam par inobédience. Homme ne povoit, quant à voir, Si grant certeineté avoir; Quer cors humain de sa coustume Donne à l'âme tel pesantume Que pas ne sceit apercevoir De soy méesmes tout le voir. Adam en estoit entéchié 1860 Dès ancièz quil éust péchié; Ce sceit qui entendement a. Quant le Sathan Eve tenta Du péché de transgression Pour lie mètre à dampnation, Elle dist, com toute esbahie: Halas! ce ne feron nous mie; Nous mourrion par aventure. Bien pareit que de sa nature N'avoit pas tel sutillité 1870 Qu'elle scéust certeineté De ceu qu'avenir l'en devoit;

Quer le cors l'ame décevoit. Mès Sathan doit bien avoir peine, Qui avoit science certeine De mal fuyre et de bien eslire. Ceste response doit souffire.

« Or te tèz, dampné desloial; Est la response assez roial? Je t'ey, selon m'entencion,

1880 Fète tel satiffacion
Que te desplest et te griève
Qu'a poy que le cuer ne te criève.
Advocat mauvèz, deputaire,
Tès tey donc; tu te dois bien tère.

D'arguer pour nient te penas. »

— « Je me térey » dist Sathenas;
« Chescun me court à la gargate,
Mès entent, o tu, advocate,
Et si euvre bien tes oreilles,

1890 Quer je te direy jà merveilles; Y n'i aura plus nul respit. » La Virge luy dist par despit:

« Comment? Que ne requiers tu ore A oyr interlocutore? Orrible mauvèz enfumé, Tu y es bien acoustumé, Traïstre, desloial, testu, Encor la demandasses tu, Se tu cuidasses droit avoir. »

1900 — « Veuz tu, » dist Sathenas, « savoir Pour quoy de cela me reprein? C'est pour ce que tu mès le frein A Dieu, si que il ne peut mouvoir Combien que dies faus ou voir. Mès entent, tourne toy de chà; Je te di que Homme pécha.» La benoiete Virge en l'oure

La benoiete Virge en l'oure Dist à Jhesucrist, sans demoure : « Tès tey. Filz, tourne moy le vis,

1910 Qui juge es de mors et de vis.
Il pense de moy desconfire,
Mès je sçey trop bien qu'il veut dire,
Sans moy partir ne remuer.
Il veut par clauses arguer
Qui seront, je n'en doute mie
Fausses, pour la greignour partie.
Puis veut par sa male aventure,
Aussi com de tout voir, conclure.
Mès tu scéz, à n'entencion,

Où une part se vérefie,

S'elle est fausse en l'autre partie

Pour tant qu'el soit copulative,

Y n'est nul qui de ceu estrive

Qu'i ne doie estre fausse toute,

Et la peut l'en noier sans doute.

« Avec ceu di jeu, beau douz sire, Il ne peut nulle chose dire Sans faus et sans iniquité; Ouer en la Court de Vérité

1930 Quer en la Court de Vérité
A il huy dit menchonge mainte,

Si que c'est grant doute et grant crainte Que il n'esmeuve aucun à croire La fausseté pour chose voire, Quer il ment et jure et escume. Jeu, qui n'ay mie de coustume De si grans menchonges oïr, Ne m'en doy pas mout esjoïr; Quer je suy, je le vous créante, 1940 De son mentir si recréante Que ne me scey quel part tourner.

Je requier, sans plus séjourner Qu'il die à trèt chescune clause, Et par sey, et qu'il face pause, Et par vérité pointerey Et respondrey et gloserey. » Dist le Sathenaz: « Véz ci rage.

L'advocat à l'Umain Lignage Veut, par force et maugré mien, estre

Et mon advocat et mon mestre,
Et mon procèz veut ordener,
Et me veut, ce semble, mener.
Estre veut, ce pert, ma nourrice,
Comme se je fusse .1. enfant nice
Qui ne sçeit lire ne pointier.
Grant fain a de moy acointier
Et afferme que pointera
Tout mon parler et glosera.
Je requier, tout premièrement,

1960 Que l'en m'oie pèsiblement; L'en me doit oir proposer. Aprèz ceu si pourra gloser Et pointier et puis répètier Et les responses affètier; Si vérité sceit, si la conte. Je li ferey jà deul et honte, Quer à ses dis répliquerey Si bien qu'engaigne li ferey; Touzjours m'assaut et me tarie. »

Adonc dist la Virge Marie, 1970 Qui ne fut pas petit troublée, Quer sen ire li fut doublée; Si en fut .1. petit plus felle : « Beau filz, je ne vuil pas, » dist elle, « Qu'il allègue en ton règne faus; Tu dois corrigier les deffaus Et dois les mauvez débouter, Ouer nul ne les doit escouter. » Sathan respondi, sans atendre:

1980 « Se vous ne me voulez entendre Et oir ceu que je direy, Je me tèrey; si m'en irey. La justice de cil qui juge Voit que l'en fèt, s'il est bon juge, Deffaut de droit; c'est chose clère. »

La persone de Dieu le père Dist lors, qui bien vit la hayne: « O Marie, des cyex rayne, Il requiert rèson et justice; 1990 Lesse luy dire son malice,

Et puis respon à son propos. »

- « Père saint, » dist elle, « trop os Tel persone et si resprouvée. Où sera justice trouvée, Qui voudra qu'en ton règne die Ne fausseté ne menterie? Je ne puis pas bien consentir. Sa fausseté, ne son mentir, Dont touzjors le voy aspre et chaut. » Dist Dieu le père : « Ne te chaut; 2000 Quer de tant greignour joie auras, Toy et ton filz, quant tu sauras A ses dis par rèson respondre Et tu le pourras bien confondre, Et sien en sera le diffame. » - « Or die donc, » dist Nostre Dame, « Père saint, quant talent en as. » - « L'Omme pecha, » dist Sathenas; « De ceu ne me doute jeu point. » Dist Nostre Dame: « Or face point 2010 Et luy commande qu'il s'arreste, Et je suy de respondre preste. » Dist Dieu le père : « Or est outrage. Lesse luy dire son courage Et toute sa rèson finer; Tu ne peus mie deviner; Il n'a dit ne tout, ne demy.» - « Vous dites voir, » dist l'Aynemy; « Penser déust à sa response, 2020 Quer, ains que le solleil resconse,

Li pense jeu tel chose à dire

Que nul talent n'aura de rire, Fors que par rèson se deffende. L'argue einsi, or y entende.

« Homme pècha outre mesure Contre toy, qui es par nature Vraie bonté sans finement Et pour ce di jeu, vraïement, Que sans fin condempné sera,

2030 Qui loiaument le jugera;
Quer la coupe n'iert pas punie
Se la peine n'est infinie.
Il convoita ta déité;
Ce fut trop grant iniquité
Et trop grant désobeissance,
Qui vouloit avoir ta puissance.
Tu es Dieu puissant, sans finer;
Donques dois tu déterminer
Que celuy, qui tant s'esdrecha

2040 Que contre ta bonté pècha,
Celuy, qui a rebelle esté
Contre ta royal majesté
Qui est sans fin certeinement,
Soit dampné perdurablement
En Enfer, en cors et en âme.
Que dira donques celle Dame?
Qui sans fin ne le confondroit?
Autrement pas ne respondroit,
Selon ceu que Droit veut, la peine
2050 Du forfèt; c'est chose certeine.»

La très douce Virge Marie

Fut .1. petitet esbahie,
Quer celle rèson la greva.
Son douz vis contre mont leva;
Si regarda d'uyeul debonnère
Son filz, comme elle souloit fère
Quant el le nourri en enfance.
Le filz vit à sa contenance
La grant angoisse qu'elle avoit,
2060 Quer respondre bien n'i savoit.

Si li clina si sagement
De l'yeul que par son clinement
Peut bien la douce Virge entendre
La response qu'el devoit rendre.

Lors se rescria le Déable: « Halas! or est il bien voiable Que je ne disoie que voir. Or peut l'en bien apercevoir Que ce n'est mie bele druge

2070 De recevoir la mère au juge A estre advocat contre sey. Nulle rèson dire ne sçey Ne proposer si grant merveille Que le juge ne la conseille; Se nous plèdisson per à per, Elle ne péust eschaufer. »

L'advocate, einsi espirée, Si s'est devers son fils virée Et dist: « Lesse Sathan jangler.

2080 Ancièz le puist l'en estrangler, Beau très douz filz, que tu féisses Chose nulle où tu mespréisses.

Droit feras, s'il l'avoit juré.

Beau fils, qui es benéuré

Et l'ennouré, de ta nature,

Par dessus toute créature,

Angres et hommes t'obéissent;

Ceulz d'Enfer pour ton nom frémissent,

Que pour lour pechié féis fondre.

2090 Beau filz, preste suy de respondre;
Huy mès ne sis response tèle.
Sathenas, la beste cruele,
Plein d'envie et d'iniquité,
Si veut que toute humanité
Soit sans sin à dampnation;
C'est sa droite conclusion;
Mout a la langue aspre et ague.
« Il allègue einsi et argue:

Homme pécha, ch'a il conté,

2100 Encontre toy, qui es bonté

Sans fin et qui seras sans terme;

Et pour ce dit il et afferme

Que sans fin iert dampné tout homme.

C'est tout son argument en somme,

Quer autrement n'iert jamès fèt

Droite justice du meffet.

Beau filz, je respondrey en ordre

Si qu'il n'i saura que remordre.

Dieu et homme es, je n'en dout mie,

2110 Et si es bonté infenie, Et tu, qui es sans finement, Ton cors fut pendu lèdement
Et mis à condempnation;
Bien féis satiffation
De ceu qu'Adam avoit péchié.
Tu, qui es sans fin, fus dréchié
En croiz; je t'i vi estendu;
Pour cel pechié y fus pendu.
Et pour cela par rèson di

Au forfèt, qu Adam par folie
Fist contre bonté infenie,
Et pour ce fut greignour la peine
Que la coupe; c'est chose pleine. »

Le Déable mot ne souna, Quant ceste response douna; Le lieu fut tout coy et seris. Le Père et le Sains Esperis Distrent lors à Sainte Marie:

2130 « Rayne des cyex, ce n'est mie Response qui doie souffire; Autre chose te convient dire. C'est drois que chescun soit bléchié Du forfèt, selon le péchié. »

— « Ne veulz tu pas qu'insi en aille, Dist-elle. « Oil, je voil sans faille, Saint Esperit et tu Saint Père, Que chescun son meffèt compère; Là ne met jeu nul contredit.

2140 Mès Sathenas argue e[t] dit,
Pour ce que Homme osa mesprendre

Contre Dieu, qui est sans fin, prendre Adam, et tout l'Umain Lignage
Doit sans fin souffrir le damage.
Je luy respon en ceste guise. »
Le filz Dieu a donques emprise
Ceste response pour sa mère;
Au Saint Esperit et au Père
Dist lors tout haut : « Donné m'avez

Je suy, de ma propre nature,
Juge sus toute créature;
J'ey si jugié et jugerey
Que tort ne fis ne ne ferey;
Je ne griève ne n'esperne âme.
Je di et respon pour ma dame :
Se la coupe fut infinie
Et nul homme ne puisse mie
Sans fin satisfacion rendre

2160 Pour ceu que fin le convient prendre, Jeu, qui suy Dieu et homme ensemble Et sans fin, voil bien, ce mc semble, Fèr'en la satisfacion Et souffrir mort et passion. »

> Quant Sathenas ceu entendi, Au filz Dieu response rendi: « Tu es filz Dieu et perdurable, Et es sans fin touz jors durable, Et es Dieu et homme sans doutc.

2170 Donques voit bien, qui entent goute, Que sans fin n'est pas Hons bléchié,

Qui fist si orrible péchié Que droiz est que sans fin l'achate » Donc respondi nostre advocate: « Adam », dist la Virge, « pécha, Mès mon douz filz le redrécha. Adam pécha, le premier homme, Et carcha à ses hers la somme Qu'eulz ont jà soustenu grant pose, 2180 Et je respon einsi et glose: Mon filz pour ceu u monde vint Et pour ce là homme devint, Et souffri mort aspre et amère Pour le péchié du premier père. Mauvès Sathenas, ne di jà, S'Adam le viel nous obliia, Qu'à mort soion pour ce livrez; Par mon filz fumes delivrez, Oui nouvel homme devenir 2190 En vout; bien t'en peut souvenir. Or dis tu einsi et argues, Ne de cest point ne te remues : Homme pécha par sa folie Encontre bonté infinie. Tu ne scéz hoignier autre chose; Je te respon einsi et glose : S'Adam pécha par son outrage, Si nous fist Dieu tel avantage Qu'il vout, et veut et détermine, 2200 Selon l'Escripture devine, S'aucun péchéour chétif pèche,

Se de cel pechié se redrèche,
Dès ce qu'il se repentira
Et pour son pechié gémira,
Dieu tantost le péchié oublie,
Et par l'Escripture s'i lie
Dieu, qui ayme de sa naturc
Homme, comme sa créature.
Quant homme touzjors ne séjourne

2210 U péchié, mès vers Dieu se tourne
Et requiert sa miséricorde,
Dieu luy pramet et luy acorde,
Qui nulluy ne va decevant,
Combien que il l'èt par devant
Despit en estat de péchié,
Quant par grace s'est redrechié,
Que jamès ne l'en souvendra,
Quer jà Dieu tant ne mesprendra;
S'il jujoit 111. foiz d'une chose,

2220 Ce seroit tort; c'est texte et glose. Quanque je di est vérité; Je ne di fors auctorité; Jà n'aura en ma rèson clut.

> « Or dit le Déable et conclut, Qui ses fausses rèsons ameine : Donc aura homme sans fin peine Pour ce qu'il fut sans fin coupable. Il ment, Sathenas le déable; Il veult, par sa male aventure,

2230 De fausses prémisses conclure Que chescun sage doit despire; Mès il deust conclure et dire,
Se la coupe est, tout soit elle orde,
Desteinte par miséricorde,
Par grâce doit estre abessiée
La peine, et du tout effaciée;
Quer, si com l'Escripture conte,
Aussi com la vertu sourmonte
Ou le vice, ou la mauveise euvre,

Le péchié et du tout efface.

Pour ceu fist Dieu à homme grace;

Par miséricorde seront

Ceulz sauvez, qui bien fineront. »

Le Déable fut si courchié, Quant il vit que si acourchié Fut du tout en tout son affère, Qu'il ne savoit qu'il déust fère. Mès, plein de rage et de grant ire,

2250 Prist à tencier et à mesdire,
Et disoit à nostre advocate:
« Combien que pour voir me debate
Et que mes rèsons soient justes,
Tu me mesdis touzjors et fustes;
Ne me chaut, fors que ne me touches;
Tu tenches et dis ces reprouches;
Tu pleures et plains et souspires,
Tu sanglotes, tu te dessires;
Tu monstres à ton filz ton ventre,

2260 Et tel pitié u cuer li entre Que tu par force l'amolies. Il prent à bon gré tes folies,
Quant tu li monstres ta mamèle;
Tu le treiz si à ta cordèle
Qu'il ne t'a pover d'escondire;
Quant tu ris, il le convient rire;
Quant tu pleures, il veut pleurer;
Il te par veut trop hennourer. »
Dist la Virge: « Or entent à moy.

2270 Bien est voir c'onques ne t'amoy.
Tu esméus ceste atayne.
Mon grant povoir et ma hayne
Verras tu en lieu et en tens.
Tu sçez les Droiz et les entens;
Bien sçez, nul ne t'en peut aprendre,
Qui a cause de soy deffendre,
Non pas par plours tant soulement
Mès par aguèz et soutilment,
Doit son adversaire grever

2280 Pour sa bonne cause achever.
Se tu te tiens pour déchéu,
Chescun a bien aperchéu
Que c'est tout par ta fole emprise;
Blasme t'en donc; si t'en desprise. »

Sathenas dist: « J'ay bien prouvé Que je n'ay nul ami trouvé En cest ostel, n'en ceste Court. Chescun m'y hèt et suz me court; Chescun m'i despit et menace;

2290 Chescun m'i court à la harace; Je n'i truiz nul qui me conseille, Mès chescun te sousse en l'oreille Et chescun te lobe et te flate. »

A ceu respondi l'Advocate

Et dist: « Sathenas, plein d'envie,
De ceu ne te merveille mie.

Tu peus bien entendre et savoir
Qu'ès cyex ne pourras tu avoir
Conseil, ne confort, ne aïde.

- 2300 Mauvèz, desloial, homicide,
 Avise toy; si te repren;
 Se tu veulz conseil, si le pren
 De ceulz d'Enfer et de ta route,
 Que je ne crein rien, ne ne doute;
 Pren en tant comme tu voudras
 Et les quiex; rien ne me toudras;
 Nul de vous ne me peut rien toudre.
 Or m'entent; en tent je vuil soudre
 A toutes les objections
- Que nul me pourroit opposer,
 Tant scéust sutilment gloser.
 Je croy que nulluy ne fèt doute
 Que la Sainte Trinité toute
 Homme par grant sens ne féist,
 Tout fust ceu qu'aprèz mespréist.
 Dieu cria tout l'Umain Lignage
 Pour estre hoirs du droit héritage
 De Paradis, qu'il a pramis
- 2320 A ceulz qui seront ses amis.

 Se touz ceulz qui sont d'Adam nez

Estoient à mort condempnez, Y s'ensuyvroit, je n'en dout mie, Que Dieu auroit par grant folie, Non par sens, mès par vanité, Establi toute humanité, Et ceu ne peut ne ne doit estre; Ce seroit vice au roy célestre; Ce n'affiert pas à Déité.

2330 Di, Sathenas, en vérité,

Tout soit ceu contre conscience,

Doy-je pour moy avoir sentence? »

Le Déable se ravisa

Et cuer à brachies pris a :

« Je lo », dist le mauvès, « et prise

Iceste rèson qu'elle a prise,

Qu'elle a trouvée toute neuve,

Quer elle est pour moy. Je le preuve;

Valoir me doit et non pas nuyre.

2340 Elle dit: Se Dieu veut destruyre
Adam et touz les filz Evain,
Le fourmer en fut faus et vain,
Et tyex ouvraignes furent foles.
J'argue einsi de ses paroles;
Vous, Trinité, bien les oïstes;
Quant que vous fètes et féistes
Fut fèt par sens et par mesure.
Or est ceu bien chose séure
Qu'angres féistes et criastes
2350 Et aprez ceu les condempnastes;

Pour ceu suy jeu tourné à perte.

Donques est ce bien chose aperte Que toutes choses pas ne furent Fètes par sens, si comme il durent, Ou à grant tort condempnéz fusmes Et mauveise sentence éusmes. Nous devon estre delivrez Ou touz hommes à mort livrez. Or regardez se rèson di.»

2360 Nostre Advocate respondi

Et luy dist: « Filz d'iniquité,

Tu mens; ce n'est pas vérité.

S'il y out une compaignie

D'angres dampnez par lour folie,

Qui estoient par nombre diz,

Donc ne sçéz-tu que tu me dis.

.IX. compaignies demourèrent

Qui lour Criatour hennourèrent,

Et, se ès cyex a .ix. pars ens,

2370 Tu ne peus dire que par sens
Dieu ne les criast et féist
Ne que de rien y mespréist.
D'umanité voit autrement;
Quer, se touz sont à dampnement
Et perduz sans rédemption,
En vain et sans discrection
Furent criez, ce peut l'en dire.
Di, mauvèz, te doit il souffire?
Tu estoies or si hardi.

2380 Se tu sçéz rien dire, par di Ancièz que de cy me remue; Et ne tien pas ta bouche mue, Fel, desloial, plein de malice; Requier que l'en face justice Et que bon droit te soit tenu. Qu'est tout ton grant sens devenu Et ton orguil et tes menaces? Tu as bien gasté tes fallaces Et mal deffendu ta partie.

2390 Or apert bien ta tricherie.

Tout Droit sçéz et toute Logique; Respon, se tu sçéz, et réplique. »

Sathan se tut, sans mot sonner;
Y ne luy tint de jargonner,
Quer bien vit, tout par my son conte,
Que sa besoigne iroit à honte,
Et par rèson bien l'entendi.
Il souspira et s'estendi,
Et prist si forte fin à fère

2400 Que d'Enfer l'oïst l'en bien brère.

La Virge pas ne s'oublia;
Petit li chalut s'il cria.
A nus genous et à nus coutes,
Toutes ses vestéures routes,
Dist à son chier filz en plourant:
« Beau filz, que vas tu demourant?
Fey nous droit, si en est sèson,
Et donne à chescun sa rèson. »
Jhesu-crist fist fère silence,

2410 Pour miex entendre sa sentence, Que nul n'i péust mètre .Y. son: « Or oez », dist il, « nous dison Par sentence diffinitive, Combien que Sathan en estrive Et qu'il s'en pende et s'en esrage, Que touz ceulz de l'Umain Lignage Qui auront par dévocion Repentance et confession Et en contriction mourront

2420 Devers nous sans fin demourront.

Nul n'i ait qui plus s'en debate;

Mout a [bien] plédié l'Advocate,

La Virge Marie, ma mère. »

Le Saint Esperit et le Père
Distrent donques tout hautement:
« Se Dieu, le filz, veut proprement,
Et sa mère, Homme soustenir,
Qui pourroit encontre venir?
Nul ne pourroit Homme entreprendre,

2430 Puis qu'eulz l'ont empris à deffendre, Et la Virge est de tel mérite Qu'elle ne doit estre escondite, Combien que la chose soit grande, Méismement quant droit demande.»

A tant fina la question,
Et fut à grant confusion
Le Déable jus abatu
Qui pour nient se fut debatu,
Et ceulz qui ès cyex demourèrent
2440 Si très grant joie demenèrent
C'onques tele ne fut oïe.

Toute la Court fut esjoie
Pour la sentence qu'ilz oirent
Et adonc ceste antiène firent,
Que Sainte Eglise encor recorde:
« Rayne de miséricorde,
Qui au monde as huy tant valu,
Chescun de nous te rent salu,
Nostre douchour et nostre vie,

2450 Nostre esperance, nostre amic, Rayne de très grant value, Chescun derrechief te salue. »

En Paradis se déduisoient Les Sains, qui l'antiène disoient; Le chief en chantèrent et distrent, Et tout le remanant apristrent A ceulz qui en char et en os Estoient. Bien vanter ni'en os, Quer ce fut à m'entencion,

2460 Par sainte révélation.

L'antiène est en la fin de note,
Qu'à Nostre-Dame chante et note
L'Eglise par dévocion:

« Ma Dame, mercy te crion,
Qui sommes filz d'Eve essilliez,
En cest faus monde perilliez;
En gémissant et en plourant
Souspiron, en toy hennourant,
Ma Dame, que tu nous confermes

2470 En cest faus monde plein de lermes.
Ahi, nostre douce Advocate,

Tu n'es ne ne peus estre mate,
Mès tu mates bien les Déables.
Vers nous tes douz yex pitéables
Tourne, qui tant sont gracieus,
Et Jhesu, ton filz glorieus,
En cui touzjors ton confort as,
Le saint fruit qu'en ton cors portas,
Nous monstre, douce Virge monde,
2480 Aprez l'essil de cest faus monde.

Aprez i essu de cest jaus mona
O debonnère glorieuse,
O debonnère gracieuse,
O très douce Virge Marie,
Essauce qui de cuer te prie. »
Einsi l'antiène defina,
Qui bon chief et bonne fin a,
En quoy Sainte Eglise recorde
Le bien et la misericorde,

Le pover et la plèderie

2490 De la douce Virge Marie,
Comment le Monde délivra,
Et c'est tout quanque mon livre a.
Pour cela qu'en vaut le celer,
Doit l'en le livret apeler
L'ADVOCACIE NOSTRE DAME:
Quer el deffent le cors et l'ame
De tuyt cil qui la veut amer

Et à son besoing reclamer.

en luy apele encor pour el, Quer à .I. besoing corporel Est elle preste qui l'apele;

Bien me souvient de la Chapele
Du Chastel le Roy de Baiex.
Qui bien s'entent et qui a iex,
Et soit ceu que j'en ay véu,
Doit estre de legier méu
A croire qu'elle est preuz et sage
Pour deffendre son heritage.
Je scey bien com elle en chevi,
Et par .ij. foiz, quer je le vi;

2510 Et par .ij. foiz, quer je le vi;

De mon tens fut, si m'en souvient,

Et pour ce dire me convient

Com il advint de ceste chose.

Ceulx qui l'orront, à la parclose,

En devront estre bien contens.

Voirs est qu'il s'esmut .i. contens Et une très grant Plederie Entre le Roy d'une partie, Et l'Evesque de Baiex Pierres,

2520 Qui plus ferm que fer ne que pierres
Fut pour bien garder sen eglise;
Le contens mut en ceste guise.
Le Roy, de fèt, sans ajourner,
Vouloit à luy les biens tourner
De la devant dite Chapele,
Et maintenant en sa querele

Que la Chapele estoit assise En son Fieu et en sa Franchise, Et les biens qui y apendoient 2530 Par luy estre donnez devoient: Et bien y apent, à m'entente, .11cc. livrées de rente. De quoy, si com chescun savoit, L'Eglise de Baiex avoit Eu, selon m'entencion, Par .ijcc. ans possession. Le Conseil le Roy requeroit, Quant la Chapele vaqueroit, Que le Roy de son heritage 2540 Eust le droit du Patronnage: Quer c'est, que [que] nulluy en die, La Coustume de Normendie. L'Evesque disoit au contrere, A cui ce devoit mout desplere, Que ce luy sembloit impossible; Quer en possession pesible En avoit .ijcc. ans esté, Et si estoit tout apresté De monstrer com le Roy Guillame, 2550 A cui Dieu face bien à l'ame, Avoit à son Frere donnée La Chapele devant nommée, Qui fut Evesque et vaillant homme, Et la fist confermer de Romme, Et puis sans interruption Avoit éu possession

L'Eglise de Baiex sans faille. Donc est-ce droiz qu'elle li vaille. Mes tout ce là poy li valut,

- 2560 Quer aux Gens le Roy n'en chalut
 Et à l'Escequier li fut mise
 Sa cause au partir de l'Assise,
 Pour oïr en droit par les Sages.
 Il n'i envoia pas messages;
 Il y fut tout présentement
 En sa personne proprement,
 Et le Roy y out pour sa part
 I. Procuratour, I. hapart,
 Qui avoit nom Lorens Herout,
- Quer par luy, c'est chose scéue,
 Fut celle riote esméue.
 Il se debatoit pour le Roy
 Et cuidoit, comme à une roy,
 L'Evesque Pierres enlacier
 Par crier et par menacier,
 Et juroit Dieu et sa puissance
 Que c'iert le droit au Roy de France.
 L'Evesque Pierres s'aïra,
- 2580 Qui la loiauté desira,
 Et affermoit souvent sus s'ame
 Que c'estoit le droit Nostre Dame.
 Puis li dist: « Ha, Lorens, Lorens,
 Tu ne seras pas encor ens
 De ceu que tu cuides avoir;
 Tu n'auras jà tant de savoir

Que tu puisses par tricherie
Desheriter Sainte Marie. »
Lors dist haut, en plein Eschequier:

2590 « Ha, Mere Dieu, je te requier,
Qui en ment, de moy et de li,
Qu'il soit briement enseveli
Et estranglé de mort amere.
Ha, gloriouse Virge mere,
Desfent ton droit et ta reson;
Venge toy de cel mauvèz hon
Qui te veult par son grant outrage
Fortrère ton propre heritage.
Je n'en suy que serjant et garde;

2600 C'est ton droit, ma Dame, or le garde. »

La Mere Dieu bien l'entendi,
Quer longuement pas n'atendi
Que de cel Lorens se venja;
Onques puis des dens ne menja,
Il ne se fist onques que rire
Quant il s'oy einsi maudire,
Mès il li avint mout tost el;
Quer, quant il vint à son ostel,
Il chay mort à grant hachie,
2610 Demy pié la langue sachie.

Son parjurer et son mentir
Luy fist soudeine mort sentir.

La Mere Dieu, com je devise,
Garda le droit de son Eglise
Et regarda l'affection
De l'Evesque, son champion.

Par le dit à l'Evesque Pierre Mourut Lorens Herout le lierre; Quer il menti comme traïtre.

- Aussi a il, u quint chapitre
 Des Fèz des Apostres en Bible,
 Comme .I. homme de mort orrible,
 Que la Letre Ananyas nomme,
 Droit devant Saint Pierre de Romme
 Chaï mort, quer par convoytise
 Vouloit deffrauder Sainte Eglise.
 Dès que Saint Pierre l'en reprist,
 La mort soudeinement le prist.
 Ananyas de mort amere
- 2630 Chaï mort par le dit Saint Pere,
 Et Lorens mourut, le trichierre,
 Par le dit à l'Evesque Pierre.
 Saint Pierre fut chief de l'Eglise;
 Cestuy Pierre ensuyt sa guise,
 Ce semble, par nom et par fet,
 Quer il fut proudomme et parfet;
 Son Eglise bien deffendi,
 Quer de bon cuer y entendi,
 Et la Mere Dieu li èda
- 2640 Qui mout souvent pour li plèda; Par lie estoit il avisé.

Il maudist, com j'ay devisé, Lorens Herout qui en mourut, Trestout le monde y acourut Et plusors pitié en avoient; Mès la bonne gent, qui savoient

De l'Evesque la maudichon, En furent touz en grant frichon Et disoient : « Vez ci merveilles ; 2650 Nous avon huy à nos oreilles Oy à l'Evesque maudire Celuy qui est mort par grant ire, Et le reprenoit, comme sage, Ou'il vouloit le droit heritage Oster à la Virge Marie.» Or est celle Chapelerie A Nostre Dame demourée, Qui est à Baiex hennourée. La noise partout en leva, 2660 Et mauvaise nouvele va, Ce dit l'en, mout ysnelement; Touz les Mestres méesmement En sourent tost la verité; Si sout voir toute la Cité. Y n'i avoit nul si hardi Qui n'en fust tout acouardi;

Que l'Evesque rèson demande; 2670 Ceste demonstrance est trop grande Que Nostre Dame en a monstrée A touz nous en ceste journée, Et l'Evesque est bien son affin. »

Ceulz qui fesoient plus l'apert Disoient bien touz : « Or apert

Le proudom vout savoir la fin Comme il iroit de sa besoigne; Il n'i mist pas mout grant aloigne, En la Court s'en r'ala arriere, Pour savoir en quel maniere Il metroit le sien au delivre;

2680 Il disoit bien que jamès vivre
Ne vouloit il en nulle guise
S'il perdoit le droit de s'Eglise.
Quant il vint, chescun li fist feste,
Et, quant il out fet sa requeste
Et dit ses grièz et ses damages,
Il fut jugié par tous les Sages
Qu'il r'auroit sa possession
Pour sa longue prescripcion,
Et c'estoit rèson et droiture,

2690 Ne jamès par nulle aventure Ne sera contraint à vuidier.

> Chescun peut savoir et cuidier Qu'il fut tout lié du jugement. Il merchia tout hautement La Mere Dieu, si dut il fère, Quer de cil, qui iert son contrère, Le venja mout bien sans main metre. De sa Sentence enporta Letre; Je l'ey par plusors foiz véue

2700 Et entre mes .ij. mains tenue.

Aprèz cela, tout à mon tens,
Vi jeu esmouveir le contens
De la dite Chapelerie,
Et tout mut par la tricherie
Adam d'Orlienz, le faux Visconte,
Qui tant fist de mal et de honte,

Et tant sainte Eglise haï Qu'au derrenier l'en meschaï, N'onques de mal ne vout recroire.

2710 Il fist au Roy de France acroire
Que la Chapele devant dite,
Dont la rente n'est pas petite,
Povoit de son droit presenter
Pour .i. de ses grans Clercs renter,
Quer mout y avoit bele rente.
A ceu metoit Adam s'entente,
Comme mauvèz et desloiaus,
A enfourmer tous les Roiaus
Et à toute la Court mouvoir.

2720 L'en ne sout s'il dist faus ou voir,
Mès créu fut, ce fut damages,
Quer mandé fut à touz les Sages
De Normendie pour savoir
Se le Roy povoit droit avoir
En ladite Chapelerie.
Chescun le tint à moquerie.
Quer ceulz méesmes le me distrent
Qui de cel conseil s'entremistrent
Et mout y mistrent grant estude
2730 Pour le Roy, si comme je cude,

Mès rien n'i sourent que remordre.

Non contre itant, sans garder ordre
De Droit, mes de fèt, sans justice,
Le Roy donna le Benefice,
Ce me semble, à Pierres l'Archier,
Mes il fist que fol du carchier

Si très grant fèz et si pesant, Quer onques n'en leva besant. Adam d'Orliens par sa grant honte

2740 Mist à cel Clercq, de cui je conte,

La possession au délivre,

En baillant luy calice et livre,

Et corporeaux et vestemens,

Et en prenant les sèremens;

Mès, sans faille que je ne mente,

Sa Fame u'estoit pas presente.

Je ne scey pas bien, à voir dire,

Lequel d'eulz .ij. estoit le pire;

Pour ce en mon conte l'amain

2750 Qu'as saintes choses mist la main Cil, qui iert bigamus vilains.

Je vivroie des ans mil, ains
Que j'oubliasse en nulle guise
Le duel qui lors fut en l'Eglise
Et aussi par toute la Vile.
I out de maudichons .C. mile
Le jour, que de Clers, que de Lès;
Mès à tant en cest point le lès,
Si retournerey bien à point

2760 Pour dire comme il sera point.

Einsi com je di et devise
Fut l'Église de Baiex mise
Tout hors de sa possession,
Sans fère autre information.
Adonc en avoit la mestrie
L'Evesque Guillaume de Trie,

Celuy où essample prenoient Ceulx qui hardiement vouloient Les droitz de l'Église deffendre.

2770 Il se lessast ancièz pourfendre,
Comme Saint Thomas, que l'Église
Fust par sa defaute au bas mise.
Dès ce que grevé se senti,
Il ne fut pas trop alenti,
Ne de rien ne s'en effréa,
Mès tout maintenant s'arréa
Pour aller au Roy à Paris.
Il fist com fet bon maris,
Qui doit deffendre, comme sage,

2780 S'espouse et son droit heritage,
Et son douaire et la franchise.
Dieu, qui véist ceulz de l'Église
Grans pleins et grans souspirs jeter
Et la Mere Dieu regreter,
Pour celle persecucion
Il éust grant compassion.

Il disoient touz en commun
Et autressi bien touz com un:
« Ha, gentil Guillaume de Trie,
2790 Très bon Pastour, ne te détrie;
De si noble sanc es estret
Que fère ne peus mauvèz tret;
Met en ton droit bonne deffense
Qu'Adam d'Orliens oster te pense
Par traïson et par malice;
N'esperne chasse, ne calice,

Dras d'or, vestemens, ne ymage, Pour metre à cest besoing en gage; Met, pour deffendre ceste rente, 2800 Le plun dessus l'Eglise en vente; N'esperne mie ton Chapitre Pour confondre cel fel traïtre. Tu t'es, touz jors par grans effors, Especiaumens vers les fors, Pour ten Eglise combatu, Ne onques ne fus abatu. Dès ceu que de cuer l'emprendras, Se Dieu plest, à bon chief vendras De ton fet et de ton emprise. » 2810 Einsi disoit l'en en l'Eglise, Et vouloient par vérité Que pour celle nécessité De lour biens son vouloir féist, Mes jamès deniers n'en préist, Tant comme du sien propre éust Chose dont chevir se péust; Quer, par ses paroles le scey, Il vouloit deffendre de sey, A ses coûs et sa propre mise, 2820 L'éritage de Sainte Église. Encor li oy jeu plus dire, A bon escient, tout sans rire Et mout hautement affermer, D'ont il me fist les yex lermer, Que jà pour Roy ne pour Rayne, Ne pour mau gré, ne pour haine,

Ne pour estre chacié de terre, Ne lèroit son droit à requerre, Et de çeu especiaument

2830 Dont l'en l'avoit desloiaument
Desseisi sans luy apeler,
Et dist plus, je n'i quier céler,
Que ceste cause deffendroit
Tant que bonne fin en vendroit,
Fust devant Roy ou devant Pape,
Ains se feroit à une chape
Et iroit nuz piez et deschaus,
Endurant les froiz et les chaus;
Ne luy chaloit de nul avoir,

2840 Fors qu'il péust, sans plus, avoir Pour luy et pour .i. Clerc chevance.

> Halas, com vez ci povre dance, Comment alast à Court de Romme En tel estat si gentil homme? Comment souffrist-il tant de honte? Il trouvast poy ne Duc, ne Conte', Ne Baron, quel part qu'il venist, A cuy de sanc n'apartenist. Mès, sans faille, sa grant noblesse

2850 Luy donne cuer et hardiesce;

Quer j'ay oy souvent retrere

Que qui de bons est, souef flère.

Il disoit encor autre chose, Quer je l'oy, vanter m'en ose, Plus de .iij. foiz, voire de quatre, Si li léust à soy combatre, Et à son estat afferist, Volontiers les cous en ferist, Armé en champ, cors contre cors. Et si dist il l'en suy recors

2860 Et si dist il, j'en suy recors,
Aus Gens le Roy, quer j'y estoie,
A Saint Victor, où je m'estoie
Asséz prèz d'un Mestre des Contes,
A cui disoit toutes les hontes
L'Evesque, quer c'iert proprement
Celuy qui l'empééchement
Avoit fet metre à sa requeste:
« Plus tost enporterez la teste
De moy, dist l'Evesque Guillaume,

2870 Que l'éritage Nostre Dame
Aïez, tant com soie vivant;
Pour nient en alez estrivant;
Plein pié ne me toudrez de terre;
Bien povez autre rente querre;
A ceste, se Dieu plest, faudrez.
Gardez bien qui vous assaudrez;
A la Mère Dieu, par outrage,
Voulez oster son héritage,

Mès vous n'en aurez jà puissance.

2880 J'ay apris qu'en la Court de France
Fet l'en rèson à la parclose,
Et je ne demant autre chose,
Qui droit me fera, je n'ey doute,
Quer ma sésine r'aurey toute. »
Einsi touzjors se deffendoit
Et à sa besoigne entendoit

Sagement par fèz et par dis, Comme bon prélat et hardis. -Il vint devant les Présidens 2890 Pour fere les griés évidens Que j'ey ramentéus devant. Bien lour r'aloit amentevant Son titre et sa possession. Maintenant, sans dilacion, Fut mandé à ses ainemis, Ceulz qui s'estoient entremis Du Roy, sus cela en tester, Ou'eulx venissent sans arrester A la journée qui fut mise, 2900 Pour bien maintenir lour emprise. Eulz vindrent lors à tel bouban, Con se l'en féist Cri ou Ban, Oue les Baillis et les Viscontes Et trestouz les Mestres des Contes Venissent à celle journée; Einsi iert la chose attournée. .I. d'eulz qui iert, jà n'iert celé, Pierres de Condé apelé, Avoit fet par son jargoner 2910 Cel bel Benefice donner A son niéz, chescun le savoit, Qui Pierres l'Archier nom avoit. Quant eulz vindrent en Parlement, L'Evesquez, son cors proprement, Proposa la besoigne toute,

Comme lyon qui rien ne doute;

Tant fist, tant dist, tant proposa, Que de ceu encor bon los a; Quer de si bon cuer entendoit 2920 A la Dame qu'il deffendoit Que de rien ne fut esmaié. Chescun s'en tint si apaié Que l'en disoit en Parlement: « Cest proudomme a droit vraiement. » Pierres l'Archier n'i estoit mie, Qui estoit l'averse partie; Si fut dit qu'il devroit venir-Pour son errement maintenir, Et fut dit, j'abrège mon conte, 2930 Qu'Adam, le desloial Visconte, Seroit mandé pour miex aprendre La cause le Roy à deffendre, Ouer à sen intimation Estoit méue la question. Il vint dès ce qu'il fut mandé Au jour qui li fut commandé, Plein de malice et de grant ire,

Prest de mesfere et de mesdire.

Cel Pierres l'Archier pas ne vint,

2940 Mès pour lui viendrent plus de .xx.,

De grans Mestres, de grands Seignours,

Et des Clercs le Roy des greignours,

En grans pompes, en grant atour.

Et si y vint Procuratour,

Bien et suffisamment fondé,

Et Mestre Pierre de Condé,

Mestre des Contes, y venoit, Qui touz les autres amenoit; Au jour assigné à Court vindrent.

2950 Touz ceulz à une part se tindrent,
Qui la Chapele demandoient,
Et par lour grand orguil cuidoient
Que nully n'i méist deffense;
Mès mout faut de ceu que fol pense.
Guillaume de Trie i estoit,
Le bon Evesque, qui s'estoit
De l'autre part à poy de gent,
Mès son conseil fut bon e gent,
Et mout li devoit bien souffire;

2960 Quer bien povoit à ce point dire Com le Prophete Helyséus;
Quant le Roy fut vers luy méus
Qui sus luy son ost envoia,
Le Prophete Dieu déproia,
Puis dist à son serjant en l'oure:
« Ne t'esbahis pas, ne ne ploure,
Quer nous avon meillors aïdes
Et plus que n'ont ces hoche-brides,
Quer Dieu nous .ij. en garde a. »

2970 Le vallet donques regarda;
Si vit bien monteignes et plaines
De compaignies d'Angres plaines,
N'onques puis n'out de doute point.
L'Evesque estoit lors en ce point

L'Evesque estoit lors en ce point Que fut Elyséus jadis; Quer touz les Sains de Paradis Et la douce Virge Marie
Estoient en sa compaignie,
D'ont avoit il trop greignour route
2980 Que ses aynemis, c'est sanz doute,
Et il y avoit tel fiance
Qu'il n'avoit de nulluy doutance.
Que que sus cela s'avisoit,
Touz dis entre ses dents disoit:
« Adam d'Orliens, trop grant tort as;
Ha, Virge Mère qui portas
Le douz Filz Dieu .ix. mois entiers,
Ceulx qui te nuysent volentiers
Comment les lesses-tu tant vivre?

2990 Ma Dame, ta cause delivre;
Donne moy ta grace et m'avise
De garder le droit de t'Eglise,
Si bien que mau gré ne m'en saches
Et qu'à la fin à toy me saches.»

Le Roy ne s'en entremetoit, Mès son bon Conseil prometoit Aus .ij. parties de droit fère, Nul n'en peut dire le contrère, Et Adam d'Orliens y estoit

Qui à son povoir s'aprestoit
D'oster à la Virge Marie
Son droit par sa grant tricherie,
Quer petit li chaloit de lie,
Mès mout estoit et baut et lie,
Quer bien cuidoit, à sen entente,
Fortrère luy sa propre rente.

Quant les Mestres assemblez furent Qui le Parlement tenir durent, L'en commencha la Plederie 3010 De ladite Chapelerie, Et, pour miex la chose acorder, Convint le Procèz recorder Du don au vaillant roy Guillame, Qui la donna à Nostre-Dame, Ij. cc ans et plus out passez, Et ce devoit bien estre assez De tenir la si lonc termine. Quer les Evesques la seisine Avoient touz jors puis éue, 3020 Et lors fut la Letre léue De l'Evesque et de sa victore, Pierre, de cuy je parley ore, Que de l'Eschiquier emporta, Qui les juges mout conforta, Qui de droit fere s'esjoirent, Et bien croy que parler oïrent Com Lorens Herout fut tué.

Estre vouloit restitué
L'Evesque Guillame tout quites,
3030 Selon les rèsons devant dites,
Quer de fet, sans cognicion,
Estoit hors de possession,
Sans luy, ne ses gens apeler.
Illec avoit un Bacheler,
Qui estoit de Roen venu
Et estoit pour sage tenu.

Il plèda mout bien à sa guise
Pour cel Archier contre l'Eglise
Et pour le Roy méesmement;
3040 Mès c'estoit tout son fondement,
Pour bien soustenir sa querele,
Que la devant dite Chapele
Estoit assise en la Noblesce
Du Roy et en sa Forteresce
Et en son Chastel proprement.
Il parla si très longuement
Que touz se tindrent pour lassez,
Et, quant l'en out plédié assez
Tant pour l'Archier que pour l'Eglise,
3050 La cause fut en Arrest mise.

Diex, com cil est fol qui tarie Ta Mere, la Virge Marie, Et qui la veut deshériter; Quer il ne se peut acquiter Sans avoir eu damage et perte. Adam d'Orliens out sa desserte Pour ce que son droit envay Quer bien à point l'en meschay. Il vint tout sain en Parlement,

3060 Mès u premier commenchement
Que l'en dut le plet entamer,
Celle, qu'il ne vouloit amer,
Sa hayne bien li meri;
Quer si asprement le feri
Qu'il n'out ne povoir, ne puissance,
D'estre depuis en sa nuysance.

La Mere Dieu dès le matin Li donna si très grant tatin Que, quant l'en dut pledier sa cause, 3070 Onques n'en pout entendre clause; D'angoisse li troubla le sens, Mestres et Advocas presens, Qui à mout grant mervelle tindrent Les choses qui puis en avindrent. Son malice fut bien gasté, Et fut si point et si hasté Qu'il laissa tout et s'enfuy; Mès onques nul ne le suy De ceulz qu'il avoit soustenus 3080 Et pour qui il estoit venus, Quer à petit lour en estoit. Courtoysement l'admonnestoit Jhesucrist de sey repentir, Qui ses maulz li fesoit sentir, Mès son cuer estoit endurci Plus assez que n'est cest mur ci, Com le cuer Pharao de Egipte, De cui la durté est escripte 3090 En Exode, en plusors chapitres; Si mauvèz fut et si traïtres Que plus li monstra Dieu de signes, Par ses ministres les plus dignes, Tant fut plus mauvèz et felon; Pour ce Pharao l'apelon. Cestuy Adam, de cuy je conte, Tant plus souffri angoisse et honte

Pour li de son mal chastier Et pour li plus humilier, Tant plus vers Dieu s'enfeleni,

Qui contre Nostre Dame estrive,

Qui contre Nostre Dame estrive,

Combien qu'assez longuement vive,

Ce n'est pas droiz qu'il emport el.

Tout espris de rage mortel,

S'en vint à son ostel grant erre.

Je me suy mout péné d'enquerre Son estat et sa contenance, Et sa fin et sa repentance, Et c'est bien droitz que je la die;

Vj. jours qu'il vesquit puis entiers.

Qu'il vousist mourir volentiers;

Mès Dieu ne povoit consentir

Qui ses gieux li fesoit sentir,

Il par avoit éu pou peine,

Touz [jours] crient à longue aleine,

Une houre envers l'autre adenté;

Tant fut par vj. jors tourmenté

Qu'il ne pout onques puis mengier.

3120 Bien s'en sout celle à point vengier Qu'il avoit à fouler emprise Et deshériter de s'Eglise. Mau fet esmouvoir atayne Contre si très haute Rayne. Adam d'Orliens bien chastia; Sans cesser le chetif cria;

Sa guile estoit lors bien atainte, Mès en son cri et en sa plainte Ne fut onques entendu cris 3130 Où il regretoit Jhesucris, Mès menachoit en sa grant rage Nostre Dame et son heritage, Et disoit que, s'il avoit vie, Qu'el perdroit sa Chapelerie. D'un lundi si qu'au samedi Souffri tel peine com je di, Mès cel samedi proprement, Par Arrest en plein Parlement Fut l'eritage Nostre Dame 3140 Rendu à l'Evesque Guillame, Et fut dit en ceste maniere Oue sa sesine auroit arrière, Non contre itant que celle Eglise Yert u Chastel le Roy assise, Et Lettre de ceu emporta, De quoy mout se reconforta.

> Cel jour, aprèz l'Arrest donné, Ains que Queuvre-feu fust sonné, Quant Adam out bien entendu

Comme l'Arrest estoit rendu
Contre l'Archier pour Nostre Dame,
Il rendi au Deable l'ame,
Plein d'ire et de grant felonnie,
Quer onques en toute sa vie
Conseil ne donne bon et fin;
De male vie male fin.

Il fut si plein de deuil et d'ire Le mauvèz, quant il oy dire Que l'Eglise avoit gaaignié,

3160 Qu'il fut si très fort engaignié Et si cruelment se courcha Que sa vie l'en acourcha, Et mourut de mauveise mort.

Ma conscience me remort,
J'en ay encor le cuer serré,
Qu'il fut en lieu saint enterré;
Sans faille, c'est chose certeine
Que l'Ame en seuffre greignor peine,
Si comme les bons Clercs le dient

3170 Qui à voir dire s'estudient; .I. mauvèz n'est pas digne d'estre Entre les bons ni en lour estre.

L'an mil CCC et vint et un,
Par un matin, tout à géun,
I. samedi, bien m'en remembre,
Droitement u moys de Novembre,
Devant la Sainte-Katherine,
Out l'Evesque arrière-seisine,
En plein Parlement, franche et quite,

180 De la Chapele devant dite.

Quant l'Evesque out l'Arrest éu,

Conseillié fut et esméu,

Especiaument par les Sages,

Que touz ses couz et ses damages

Luy devoit Adam d'Orlienx rendre;

Quer sans cause avoit fet emprendre

1321

Le contens et la question, Et de sa procuration Avoit mesusé folement.

L'endemain vint en Parlement
L'Evesque, qui r'avoir vouloit
Les grans couz dont il se douloit,
Mès encor ne savoit il mie
Qu'Adam d'Orlienx fut hors de vie;
Mès les Mestres anciéz le sourent,
Quer anciéz nouveles en ourent.
L'Evesquez lour dit sen entente;
Eulz respondirent sans atente:
« Sire, tost seron accordé,

Qu'au jour d'uy est en terre mis
Adam d'Orlienx, vos aynemis;
Non pour tant nous feron droiture. »
Quant l'Evesque oy l'aventure,
Vers Dieu s'ala humiliant:
« Seignors, dist-il en sourriant,
Ne cuide nul qu'à deniers tende.
La Mère Dieu a pris l'amende;
Nulle autre amende n'en demande,

3210 Quer ceste me semble assez grande;
Sa cause et la moye est commune,
Et je la tien toute pour une;
Puis qu'elle en a l'amende prise,
Il me souffit pour sen Eglise. »
Mout est de tiez que, s'il scéussent
Que tiez mises r'avoir péussent,

Qui ne l'éussent pas lessié;
Mès son cuer fut tantost plessié.
Bien pert qu'il n'avoit pas esprise
3220 La pensée de convoitise,
Combien qu'il en péust avoir,
S'il éust voulu, grant avoir.
A Nostre-Dame attribua
La venjance qu'elle rua,
Et bien li dut attribuer;
Ytiez couz sceit elle ruer
Sus ceulz qui tort fere li veulent,
Quer touzjours en la fin s'en deulent.

Adonques par lonc et par ley
3230 Fut de Lorens Hérout parley,
Qui mourut, si com nous déismes,
Pour ceste Chapele méismes.
Sur ce les Mestres s'avisoient,
Et les uns aus autres disoient:
« Lesson cette Chapelerie;
Bien nous sceit la Virge Maric
Courtoisement amonnester;
Se nous ne la lesson ester,
En la fin nous repentiron;

3240 En ces .II. chetis nous miron, Qui en sont mors vileinement Aussi com tout soudeinement.»

> Vray Dieu, qui ne faus ne ne mens, Com sont justes tes jugemens! N'ay jeu parley d'Ananyas, Que si cruelment chastias,

Qu'à sa fin le féis venir, Pour ce qu'il vouloit retenir Et oster par male aventure 3250 A Sainte Eglise sa droiture? Puis vint sa fame Saphira, Vers qui Saint Pierre s'aïra, Pour ce qu'elle vouloit mentir Et qu'elle vouloit consentir A retenir l'or et l'avoir Que l'Eglise devoit avoir, Et pour cel péchié proprement Saint Pierre li dist hautement : « Saphire, es tu hors de ton sens? 3260 Puisqu'à cest péchié te consens, En vie plus ne demourras, Mès en cette place mourras. Ceulz qui ont [ten] mari porté Tout mort comme .I. chien avorté, Vez les ci venir tout venant; Eulz t'emporteront maintenant.» A tant chay la lasse morte, Et l'en la prent et l'en l'emporte; Onques nul ne la secourut. 3270 Ananyas le las mourut

Pour ce qu'il deffraudoit l'Eglise, Et Saphira tout en tel guise Mourut pour ce qu'elle menti Et pour ce qu'elle consenti Sa fraude et sa desloiauté; Et ce fut droiz et esgauté Quant les .II. d'une mort moururent Qui touz d'une volentey furent. Einsi est il certeinement;

Einsi est il certeinement;
3280 Lorens Herout premièrement
Mourut de mort amère et chaude;
Pour ce qu'à l'Eglise fist fraude,
Or est tout chaut et tout bruy.
Adam d'Orlienx, qui l'ensuy,
Devoit bien d'autel mort mourir;
Il ne devoit pas plus flourir
Que Lorens, qui bien s'i avise,
Quer touz .II. furent d'une guise:
Saint Pierre maudist bien, l'os dirc,

3290 Ananyas et puis Saphire, Dont eulz moururent, com le dis, Touz .II. de male mort rèdis.

L'Evesque Pierres, c'est sans doute,.
Maudist, de sa puissance toute,
Lorens Hérout si asprement
Qu'il en mourut soudeinement,
Et il mourut bien à son droit;
Je croy que s'Ame est en prendroit
Ens u four d'Enfer dépestrie.

Qui règne, Dieu merci, et vit,
Maudist, je scey bien qui le vit,
Adam d'Orlienx, de tout son cueur;
Si fist à Baiex tout son Cuer.
Icestuy fut le plus péney;
Il mourut com tout forseney,

Quer sa rage plus li dura. Je croy bien qu'ostel mout dur a; Quer il devoit bien erragier

3310 Qui se prenoit à damagier La Virge, qui touz Sains sourmonte, Et mourir à deul et à honte.

> Qui sus l'Eglise entreprendra Autant ou plus l'en avendra, Et, se ce n'est corporelment, C'iert donc espirituellement, Quer Dieu et sa Mère la garde; Bien s'i doit chescun prendre garde. Ces .IIII. que j'ay dit moururent,

3320 Quer à l'Eglise sus coururent, Ananyas et Saphira, Lorens, Adam, qui ne dira Jamès rien contre Sainte Eglise; Il a failli à son emprise.

Ha, meschéant Adam d'Orlienx, Com je croy que tu es or lienx De celle que tu tant haïs. Où es tu or? En quel païs? Es tu emprisonné en fer?

Nenil voir. Tu es en Enfer
Où tu te rostiz et te tostes;
Tu as assez de mauvèz ostes
Qui te font grand feu aviver.
Comment osas-tu estriver
Contre celle, en nulle manière,
Qui de sa nature est manière

A pledier pour la delivrance De ceux qui en lie ont fiance, Soient estranges ou privez.

3340 Tu estoies trop abrievez,
Trop t'estoies haut embatu,
Tu t'ez de ton tour abatu;
Quer tu povoies bien entendre
Que pour son propre droit deffendre
Acouroit, sans estre proiée,
Toute à banière desploiée.

Pour ce feis jeu conclusion, Pour venir à m'entencion, Selon Rèson et Escripture,

3350 Qu'elle est de sa propre nature
Advocat en Ciel et en Terre
A ceulz qui la veulent requerre.
Ha, très douce Virge Marie,
Or ay jeu de t'advocacie
Trop grant besoing et grant defaute.
Gloriouse Rayne haute,
J'ay de ton conseil grant mestier;
Mès je ne fis onques mestier
Par quoy ton conseil avoir doie.

3360 Donc ne suy je pas à .II. doie Que puisse ton conseil trouver, Ne fust ce que j'oy prouver Que tu es, si com l'en recorde, Rayne de Miséricorde. Donc ne me dois tu refuser, Ne tu ne te peus escuser, _____

Quant tout le Monde t'y apèle, De pledier pour moy ma querèle; Quer par charité te demande

T'ayde, qui tant par est grande,
Quer nul mal ne me peut venir
Se tu m'emprens à soustenir.
Ces' Advocateaux, qui or queurent,
Pour lour proufit la gent sequeurent,
Mès pour nul gaaing ne t'esmaies;
Il te souffit que les cuers aies;
Sans barat plèdez, et sans guile.
Ne pledas-tu point Théophile,
Que par ton pledier delivras,

Par toy fut-il quite et delivres;
Par toy fut-il quite et delivres;
J'ay bien trouvey en plusors Livres
Que ta douchour le delivra,
Dès ce que vers toy se livra.
Ceulz qui vers toy se vont livrant
Vas trop volontiers délivrant;
Très douche Dame, à toy me livre,
M'Ame te présent et mon Livre,
Quant tu peus touz ceulz delivrer

3390 Qui à toy se veulent livrer; Dieu doinst, puis qu'à toy suy livré, Que par toy soie delivré. AMEN.



GLOSSAIRE

(LES RENVOIS SE RAPPORTENT AUX NUMÉROS DES VERS.)

A (Fête) nostre doctrine, faite pour nous enseigner, 110.

Aaron (Le Grand Prêtre), 946. Abrièvé, 3340.

Achèson, occasion, cause, 1215.

Achesonner, accuser, actionner, 374; Ducange, verbo acheso.

Accourchier, accourcir, tenir de court, 2246.

Acouchier, coucher avec un homme au sens du dormire de la Bible, 9;3.

Acourcha, accourcit, 3162.

Adam, Adan, 127, 200, 454, 724, 1107, 1161, 1178, 1808, 1815, 1852, 1859, 2115, 2121, 2143, 2186, 2177, 2197, 2321, 2341.

Adam d'Orléans, vicomte de Bayeux, 2705, 2715, 2739, 2794, 2930-8, 2985, 2999-3006, 3056-136, 3147-72, 3185-9, 3195-210, 3284-8, 3322, 3325-46.

Adenté, 3127.

Advocacie, plaidoirie, 858, 2495, 3354.

Advocateaux, méchants petits avocats, 3373.

Aerdre, s'attacher à, adherere, 17, 419; aerse, participe de aerdre, 266. Aherdre se trouve encore dans Villon; Grand Testament, strophe 73.

Aésie, aisée, 255.

Afferir, se rapporter à, être convenable pour, 2857.

Affin, parent, ami, 2673.

Agrégié, chargé, 283.

Agu, aigu, acutus, 2097.

Aguet, habilete, finesse, 2278. Aide, aide, 941, 1366, 2977; ayde, 3370. Aièse, aise, 273. Ains que, avant que, 2751. Airer, se mettre en colère, 841, 1511, 2579. Ajourner, citer en justice, 1343, 2523. Alenée (à grant), à haute voix, 489. Aloigne, retard, 2676. Aloigner, éloigner, remettre à plus tard, 600, 648. Alosée, louée, 933. Amain (Je l'), je l'introduis, je l'amène, 2749. Ame damnée (L') souffre plus quand elle est enterrée en lieu saint, 3164-72. Amentevoir, rappeler, 1477, 2892. Amorst (L'i), l'y amorça, l'y poussa, 1818. Amort (S'), se dispose, veut, 90. Ananias, 2629, 3245-78, 3290-2, 3321. Cf. Act. Apost., cap. s, v. i-xi. Anciez avant, 3185-6, 2080; anciez que, avant que, 207, 216, 1014, 1768, 1860, 2381, 2770. Angouisse, angoisse, 1392. Angre, ange, 697, 706, 2087, 2349, 2364, 2972. Antienne à la Vierge, 2444, 2454, 2461, 2485. Apareillie, appareillée, prête. 850. Apendre, être attaché à, dépendre de, 2529, 2531. Apert (Faire l'), le malin, 2667. Apôtres (Les), 1446. Apostres (Les Fèz des), 2621. Acta Apostolorum, cap. 5. On a dit indifféremment Gestes et Faits, la Geste de Charlemagne, les Faits et Dits héroïques de Pantagruel. Apreuchier, approcher, 748. Aprèz, à côté de, l'appresso italien, 752. Arc (Avoir trois cordes à son), 584. Archangre archange, 697. Ardure, audace, attaque, 487, 1803. Arrèa (S'), s'arroia, s'arrangea, 2778; on a continué longtemps de dire en grand airoy. Arroy, pompe, 691. As, aux, 652. Asséer, asseoir, établir, 1112. Ata)ne, attaque, 712, 2271, 3123. Atour (Je m',) je me dispose à, 996. Auctour, acteur, demandeur, 430, 817, 825, 830, 1027, 1032, 1040. Audience, l'huissier audiencier, 501, 506.

Audience (En), devant des auditeurs, 881, 955. Auner (S',) se réunir, 446. Autel, tel 952. Autressi, de même, 1689, 2240, 2788. Autretant, autant, 1210. Ave Maria, 29; Ave Regina, 716. Averse (L') partie, la partie adverse, 2926. Avoir, subst. m., revenu, argent, 2839. Avorté (Mort comme un chien), 3264. Aynemy (L'), l'Ennemi, le Diable, 2018. Bacheler, bachelier en droit, 3034. Baiex, Bayeux, 2658; - le Château, 2503, 3045, 3144; - (l'Église de), 2534, 2557, 2762, 3304. Baillie (En sa), en sa main, en sa possession, 978. Baillie, baillée, remise, 849. Balance (Je te vi pendre en la). Il y a dans cette expression, appliquée par la Vierge à son Fils sur la croix, une allusion à la pesée du Christ compensant les crimes des hommes (cf. vers 1640-1702), et à toute l'habitude de représenter les âmes réellement pesées à leur jugement. Barat, barate, barat, tromperie, 203, 3377. Baut, 3004. Bedel, bedeau, sergent, pris ici en mauvaise part, 1051. Beneure, 885, 1023, 2084. Benoiete, benoîte, benie, benedicta, 1907. Besant, pièce de monnaie, 2738. Cf. Ducange, verbo Byzantius. Bible (La), 1137, 2621. Bigamus, bigame, 2751. Bouban (A), en grande pompe, 2900. (Cf. 2942-3). Brachies (A), en serrant de ses bras, 2334. Briement, brievement, bientot, 2592. Bruy, brůlé (?), 3283. Buffet, buffe, soufflet, coup de poing, 655. Buysine, buccine, trompette, 405. Calice, employé pour se procurer de l'argent, 2742, 2795. Canon, droit canonique, 762. Carcher, charger, 2178, 2736. Celée (La), la qualité du sceau mis à une pièce, 961. Celer (Le), 2493. Célestre, céleste, 2326. Cercle (Etre un), ne pas avoir de fin, 1341. Certefié, assuré, 152. Certeineté, certitude, connaissance certaine, 1854, 1870.

Ceu, cela, passim. Cieu, cela, 148. Chai, tomba, 2625, 2630. Chaloir, 2402. Champion, défenseur légal, 2616. Chape (Se faire à une), se réduire à n'avoir qu'une chape, 2836. Chartre, charte, 1049. Chartre, prison, 1050. Châsse, se mettait en gage, 2796-8. Chevalerie (La) des Cieux, 703. Chevalerie (La) d'Enfer, passim. Chevance, ce qui est strictement nécessaire à la vie. 2841. Chevir, travailler à une chose, 1439, 2509. Chie (Comment qu'il); comme la rime est le participe féminin jugie, pour jugée, il s'ensuit, ce qu'on sait d'ailleurs, que la forme chie est l'analogue de chée, d'où le sens quoi qu'il arrive Chief, commencement, 1185, 2455, 2486. Chière, visage, expression du visage, 312, 1426. Cliner, jeter un regard à quelqu'un, 2061. Clut. Clorre, enclorre, forclos, viennent de la forme claudere; conclure, reclus, inclus, employés seulement au participe, viennent de la forme cludere, dont vient clut, qui est la forme simple; d'où le sens : « Il n'y aura rien qui ferme, qui arrête, qui détruise mon raisonnement ». 2223. Cointance, accointance, parenté, 1726. Cole (La), la prétention, le désir, 525. Com, comme; passim. Combatre, combattre en champ clos comme Champion d'une cause, 2856-9 Conchuy, je conçus, 943, 953. Concile, assemblée, réunion, 232, 636. Consistore, consistoire, assemblée, 1123. Conte, récit, narration, exposé, 2749, 2929. Contens, contentio, procès, 2517, 2521, 3187. Contr'arguer, 595 Contre-mont, en haut, en l'air, 1654, 2054. Contre-val, en descendant, 1413. Convenir, falloir, 1410. Copulatif, 1923.

Corporeaux, 2743.

Coupe, faute, culpa, 2124, 2157. Courchie, courrouce, 1372. Courchie, courroucee, 1406, 1676. Coutes, coudes, 2404.

Deux, deuils, ennuis, 1598. Devaler (Se), 1236. Digeste (La), 1089.

Coutume de Normandie, 2542. Créable, croyable, 1026. Créanter, promettre, garantir, 370, 1939. Cremir, craindre, 1134. Criatour, créateur, 2368. Crier, creer, 693, 1062, 1065, 1797, 2317, 2349, 2371, Cude (Je); à la rime; cuide, crois, 2730. Cuer (Le), le Chapitre, Chorus, 3304. Cuy, qui, à un des cas régime, 1108. Déable (Le), passim. Debonnère, 347, 2481, 2482. Decrétale (Cas de), 1235. Decrétales (Les), 1235. Défaute, défaut, au sens juridique, 463, 526, 529, 744; au sens ordinaire de faute, 2772. Deffendant (Le), le défendeur, 817, 821, 825. Deffrauder, tromper, voler, 2626, 3271. Dégouter, suer fortement, 1400. Delivre (Mettre au), mettre en possession de, 2679, 2741. Délivrer (Se), dire ce qu'on a à dire, 805. Demain (Je), je démène, 364. Demaine, tend, vise à, 440. Demander, intenter une action comme demandeur, 240. Dement, demande, 1486. Demonstrance, preuve, exemple, 2670. Demours, retard, 1908. Deport, 480. Deproier, prier, 2964. Deputere, 213, 1883. Derrenier, dernier, dernièrement, 176, 1379. Deschaux, déchaussés, 2837. On a dit longtemps les Carmes deschaux. Desiques à, jusques à, 466. Despire, dépriser, mépriser, 2231. Desserte (Avoir sa), ce qu'on mérite, 3056. Desroy 132. Distrent, dirent, 2727. Dessevrer, séparer, 1444. Deteurtre, détordre, tordre, 1398.

Dis, jours, de dies, 561.

Doie (A deux) de, à deux doigts, tout près de, 3360; ainsi ecrit pour la rime.

Dormant (En), quand on est couché ensemble, 206.

Douaire, 2781.

Doudrez, futur de douloir, 1558.

Douliance, douleur, 799.

Doutance, crainte. 1394, 8988.

Doute, crainte, 1926, 1973.

Draps d'or, se mettaient en gage, 2797-8.

Droits (Les), les livres de droit reconnus, passim.

Droiture, le respect du droit, 590.

Droiz (C'est Jesus-Christ qui seul fait les), 392-8, 888.

Druge, 476, 2069. Le sens ordinairement accepté, cf. Ducange et Roquefort, de fuite et de retraite, ne convient pas ici

Duille, deuille, de douloir, 260, 520.

Effance, enfance, 87, 1508.

Egaument, également, 351.

Egauté, égalité, 1096, 3276.

Eisil, vinaigre, de acetillum, 1443; cf. Ducange, verbo Ignis Græcus, 111, 758.

El, il, 759.

El, autre, de aliud, 402, 534, 538, 2499, 2607, 3103.

Emploure, qui est en pleurs, 1406.

Emprendre, emprise, entreprendre, entreprise, 673, 2146, 2807, 2809, 2900, 3122, 3186, 3324.

En, on, l'en, l'on, passim.

Encasser ou Entasser, 736.

Encorder prendre comme avec une co

Encorder, prendre comme avec une corde, 200.

Eneur, honneur, succes, 710.

Enfelenir (S'), devenir felon, 3099.

Enfermete, faiblesse, infirmitas, 1794, 1848.

Enfornier, enfourner, 332.

Engaigne, ruse, adresse, de ingenium, 11\$6.

Engaigné, troinpé, 3160.

Engignous, ingénieux, malicieux, 202.

Enhair, augmentatif de hair, 118.

Enlacher, enlacer, livrer, 1431.

Ennour, honneur, passim. Ennourer, honorer, passim.

Ennuyt, aujourd'hui, in hodie, 486.

Ens, dedans, 742, 930.

Ens (Etre) de quelque chose, 2584. Ens, ensemble, à la fois, 931. Entéchié, entaché, vicié, 1859. Entrètes, prières, demandes, 337. Erragier, enrager. 3309 Errement, prétention, affirmation. 2928. Errendis, fautif, de errandus, 846. Es, les, elles. 979. Escharni, privé de chair, repoussé, débouté, 304. Eschaufer, 2076 Comme la rime est per d per, il saudrait peut-être corriger eschaufer en eschaper, qui ferait un très-bon sens. Eschequier de Normandie, 2561, 2589, 3024. Eschiver, éviter, 18. Escient (A mon), à ce que je sais, je suppose, 1810. Escondire, repousser, refuser, 88, 360, 1259, 1370, 2432. Escovenir, convenir, appartenir à, 53. Escrimer, se débattre, 1085. Escripture (La sainte), 104, 107, 134, 450, 1459, 1584, 2200, 2206, 2237 3349. Escuminie, excommuniée, 530. Esdrecher (S'), se dresser, s'élever contre, 2039. Esfanter, accoucher, 936, 943. Comme, vers 1461, on trouve la forme enfanter, il ne faut pas prononcer l's, mais prononcer, comme avec un accent, éfanter. Esgautė, ėgalitė, 3276. Esmouvoir, s'élever, se produire, 2702. Esperner, mépriser, spernere, 2155. Esperner, epargner, 2796, 2801. Esploitier, faire, se conduire, 618. Espondre, exposer, exponere, 27. Essiliez, punis, exilés, 2465. Estables, stables, fermes, 1175. Estache, poteau, colonne, 1433. Estat, condition, profession, 2857. Ester, rester tranquille, 3238. Estoie (Je m'), je me tenois, stabam, 2862; s'estoit, 2959. Estrange, etranger, 965. Estre, demeure, atrium, 3172. Estre pour quelqu'un, ester pour lui, le représenter en justice, 830, 861. Estrivement, querelle, 1608. Estriver, 472, 1924, 2414, 2872, 3101, 3334.

Evangile (L'), 104, 107, 164, 450, 1560, 1565, 1578, 1582.

Evain, cas régime de Eve, 2341.

Eve, 122, 141, 200, 1161. 1193, 1862, 2465. Exode (Le livre de l'), 3089. Extraordinare, 1368. On trouve (1355) extraordinaire.

Faille, faute, 1355, 2157, 2745, 2849. Fel, adj, 2570. Felonnie (La) d'Enfer, comme la Chevalerie d'Enfer, passim. Ferie, fète, 383. Férie, fériée, 402. Fiebles, faibles, 1784. Fieu, fief, 2528. Fin, mort, 2160, 3247. Fondé, constitué, au sens juridique, 295, 352, 832, 836, 2955. Fondement, raisons, arguments, 3040. France (Le Roy de), 285. Franchise (La) de quelqu'un, son fief, 2528, 2781 Frichon, frisson, 2647. Frint, de treindre, briser, 290. Fust, bois, poutre, 1408. Fuster, fustiger, attaquer, 2254.

Gargate (Chacun me court à la), me saute à la gorge, 1887. Généraument, généralement, 890. Genèse (Le livre de la , 1141, 1189. Gent (La), suivi d'un verbe au pluriel, 37-8, 2646-50. Gibechière, aumônière, petit sac qu'on porte sur soi, 1136. Gieux (Faire sentir ses), sa volonté, 3114. Gloser, parler, exposer, 1280, 1296. Gravele, sable, 23. Greignour, plus grand, 580, 720, 1620, 1623, 1916, 2001, 2123, 2942, 2979, 3168. Grenet, petit grain, 23. Grondre, gionder, 314. Guile, malice, 1559, 3127. Guillaume le Conquérant, 2549, 3013. Guillaume de Trie, 42e évêque de Bayeux de/1313 à 1324, 2766, 2789, 2814-83, 2914 24, 2955-9, 2974-94. 3029-33, 3140-6, 3178-214, 3300-4. Guise, façon, manière, 2145.

Hachie, s. f., angoisse, douleur, 2609. Hapart, 2568. Harace Courir à la), sur quelqu'un, 2290. Haste, peut-être piqué; on dit encore un hatelet pour une petite broche de bois; de hasta; 3076. Helyseus (Le Prophète), 2961-75. Hennour, honneur, 909, 944. Heretique, 1923. Herout (Laurent), 2569, 2583, 2618, 2631, 2643, 3027. 3229-42, 3280-3, 3286-8, 3293-9, 3322. Hers, hoirs, heritiers, de heres, 2178. Hoche-brides, probablement cavaliers, 2978. Hoigne (Tenir à), 788. Hoignier, grommeler, 2195. Huymès, 2091. 1, il, 1508. Iert, était, sera, erat, erit, passim; yert, 3144. lessir, issir, sortir, exire. 1569. Inobédience, désobéissance, 551, 1726, 1852. Inobedient, 567, 1809. Instrumens, actes de procédure, 845. Interloqutore, interlocutoire, 972, 1124, 1371, 1894 (Est du féminin, cf. 1898). Itant (Non contre), nonobstant, 2732, 3143. Non contra tantum, le même i que dans itel, au lieu de tel. — On trouve, v. 401, non contre tant. Jangler, parler, 2079. Jargonner, jargouner, parler, discourir, 462, 1121, 1394. Jargoner (Son, ses discours, ce qu'il avait dit, 2909. Jesus-Christ, passim. Jeu, je, passim. Jhesum, employé comme accusatif, 208. Job (Le livre de , 256. Jour, journée, assignation à un jour, 312, 350, 362, 42! 2899 2905 Judas (Le traître', 114. Jugement, Cour de justice, 444. Jugie, jugée, 1376, 1684. Jut. se coucha, 699. Juye, juive, 923.

Ladre (Le), Lazare, 165. Las, adj., malheureux, 3267, 3270. Le, à lui. 453. Lèdir, laidir, battre, 1437.

Juyes, juifs, 212, 1431.

Lermer, pleurer, 2824.

Lès, laïques, 2757.

Lès, laisse, à la première personne, 2758.

Letre (La), le texte, le livre, 2623.

Lettre, au sens de charte de jugement, 539, 564, 1049.

Léust (Si li), s'il lui eût été loisible, permis, 2856.

Lever, employé comme aujourd'hui dans la phrase : lever un impôt, 2738.

Ley (par lonc et par), en long et en large, partout, 3228.

Ley, pour lui, le prononcé lè, 1380.

Li, lui, 1418.

Lie, la, 714; elle, 1110, 123, 402, 1864, 2641, 3003, 3338.

Lie, (avec un e muet), joyeuse, 3004.

Lienx, loin (?), 3326.

Lierre, menteur, 1618; le mot anglais liar est écrit liere dans Piers Ploughman (Ed. Wright, 1856, II, 598). Livre, les livres précieux servant aux Offices de l'Église,

2742

Livrées de rente, livres de rente, 2532.

Livret, petit livre, petit ouvrage, 2494. Lober, flatter, 2293, 2918.

Los, louange, 887.

Lour, leur, passim; leurs, 2813; à eux, 2892.

Loy, droit civil, 762.

Loy (La), les livres saints, 119.

Main, matin, 804.

Maleure, 495.

Malice, employé au masculin, 3075.

Manière, adj., coutumière, 3336.

Mansions, demeures, 445.

Mari (Ce que doit faire un bon), 2778-82.

Marie (La Vierge), passim.

Mate, battue, 1278.

Mau, adv., mal, 3123.

Maudichon, maudisson, malediction, 2647, 2756.

Meins, moins, passim.

Mès, mais, passim.

Meschay, mésarriva, 2708, 3068.

Mesel, ladre, 267, 269.

Mesprison, faute, méprise, 1212.

Messages, messagers, fondés de pouvoir, 2164.

Mestres, juges, 2662, 2951, 3007, 3072, 3195, 3233.

Mestrie, suprématie, commandement, 948. 2765.

Méu (Etre) vers quelqu'un, s'élever contre quelqu'un, le poursuivre, 2962. Micoignéust, méconnut, se trompa, 547. Mise, l'argent qu'on avance, 2819, 3216. Moie, mienne, 1497, 1585, 1603, 1606. Monde (Le), passim. Mont, monde, 1654. Morst, cas régime de mors, action de mordre, 1817. Mourir, avec le sens actif de tuer, 44. Mout, moult, passim. Mouveir, mouver, mouvoir, 1590. Moye, mienne, 3211. Mu, muet, 781, 2383. Muser, paresser, 97. Mut, movit, se produisit par, 2704. Ne, explétif et sans idée de négation, 208. Nestre, naître, 1609. Nient, néant, rien; l'italien a encore niente; 2438, 2872. Niez, neveu, 2911. Noblesse du Roi (La), son fief, 3043. Noier, neier, nier, 1770, 1926. Noise, bruit, 2659. Noisier, disputer, quereller, 1121.

Nonne, correspond à trois heures de l'après-midi, heure du défaut.

Note (De), 2460.

O. changé en e, cf, En, Sen, Tene.

Officiaux (Femmes peuvent plaider en personne devant les), 890-4.
Oil, oui, 1159, 2136.
On, homme, 227.
Opposer, répondre à une proposition, à une argumentation, 5, 25.
Orendroit (En), maintenant, 3308.
Os (J'), j'ose, 1742, 2458; tu os, tu entends, 1992.
Ost, armée, 2963.
Oure, heure, 1149, 1907.
Outrage, ce qu'on fait de mal, 1228.
Ourraignes, s. f., ouvrages, 2343.
Ovecques, avec, 192.
Oy, ai, 839.

Pape (Là où est le), là est Rome, 441.

```
Par, pris dans le sens augmentatif, 2380, 3370.
Paraboles, paroles, raisons, 1182.
Paradis, 441, 934, 1147, 2319, 2453; — (Où est), 443; —
  - V. Saints; - (La tour de), 678.
Parchonnerie, partage, possession indivise, 1592.
Parclose (A la), à la fin, 2515.
Péchéor, pécheur, 721.
Pèner, avoir de la peine, 1451.
Pesantume, poids, 1856.
Peticion, ce qu'on demande, 575.
Pharao d'Egipte, 3087, 3094.
Philippe le Bel, roi de France, 2710, 2724, 2730, 2733,
   3039.
Pièche, piéça, un peu de temps, 1706, 1707.
Piere, pire, 1169.
Pierre, évêque de Bayeux, de 1276 à 1305, 2519, 2575,
  2579, 2618, 2632, 2647, 2651, 2669, 2673, 3022-3,
   3292-6.
Pierre de Condé, Maître des Comptes, 2908, 2946-8.
Pierre L'Archier, neveu de Pierre de Condé, 2735, 2740-51,
  29?2, 2925, 2939, 3038, 3049, 3151.
Pilate (La femme), 204.
Pleder quelqu'un, plaider pour quelqu'un, 3388.
Plėderie, plaidoyer, 2489, 2518, 3007.
Plessie, plie, abattu (de plicare), 1546; appaise. 3218.
Plun, la couverture en plomb du toit d'une église; se vendait
  dans les grandes nécessités, 2800.
Point, piqué, puni, 2760, 3076.
Pointier, ponctuer, faire des remarques, 1945, 1955, 1957,
   1963.
Poise, balance, 1655, 1663.
Poiser, peser, 1664; poist au subjonctif, 1688.
Poour, peur, 638.
Porséer, poursuivre, 1060, 1087, 1111.
Possis, possédes; posséis, as possédé, 1061.
Posté, puissance, de potestatem, 1234.
Pou, peu, 954
Pourprendre, surprendre, 1170.
Pourpris, jardin, 1169.
Pover, pouvoir, 9, 2265, 2489.
Poy, peu, passim.
Pramettre, promettre, 2212, 2319.
Premerein, premier, antérieur, 222, 246, 724.
Premier (Au), d'abord, 1484.
Prime, première, 1367.
```

Procuratour, procureur, au sens judiciaire, 238, 293, 422, 427, 677, 983, 997, 2568, 2944. Prodon, prud'homme, 341. Proposer, exposer, 1100, 2917. Proudom, proudomme, homme vertueux, 2638, 2674, 2924.

Quanque, tout ce que, 1582, 2221, 2488. Quart, quatrième, 1339. Quer, car, passim. Querele, prétention, procès, 2529. Queuvre-feu Le), le couvre-feu, 3148. Queuvrir, couvrir, 2240. Quier (Je n'y); querir, vouloir; 2832. Quint, cinquième, 1339, 2620.

Ramentevoir, rappeler, 2891. Rapoint, de nouveau à point, 682. Raroit, aurait de nouveau, 1339

Rayne, en trois syllabes, reine, 2446, 2451, 2825, 3124, 3356, 3364. Devait se prononcer, non ra-i-ne, mais rei-i-ne, de regina.

Recevoir, rechoivre, accepter quelqu'un pour en représenter un autre, 872, 880.

Rechiner, faire la grimace, 1085, 1135.

Recors. qui se souvient, 1436.

Recouvrier, moyen de recouvrer, remède, 1685.

Recréant, 1940.

Recroire, 869, 8709.

Réigne, reine, de regina, 271.

Remaindre, rester, de remanere, 1732.

Remeins, abaissé, terminé, 1358. Remembrer (Se), se souvenir, 3175.

Remuer, changer, muer avec le signe de redoublement, 599.

Renoie, renie, renegat, 878.

Resconse, se cache, 2020.

Rèson, ce qui est juste, 2669, 2689.

Responne, subjonctif de répondre, 1777. Reyne, reine, 711.

Rigolage, 18. Ce qui prouve que le sens de rigoler est vieux dans la langue.

Riote, querelle, 1591, 1596, 2572.

Rioter, quereller, 1600. Roiable (Non), 248, 275. Rome (Là où le Pape est, là est), 440. Roste, rôtit, 290. Rouen, 3035. Route, troupe, bataillon, 676, 1243, 2979. Routes, déchirées, 2464. Roy, s. f., filet, 2574.

Sacher, tirer, 1137, 1560, 2994.
Sachie, part. f., tirée, sortie, 2610.
Saint Gabriel, archange, 404.
Saint Jehan (l'Evangile), 111.
Saint Joseph, 934.
Saint Mathieu (Evangile de), 209.
Saint Pierre, 2628, 2630, 2633, 3251 66, 3289-90.
Saint Pol, 109.
Saint Thomas de Cantorbery, 2771.
Saint-Victor de Paris. On y jugeait des procès relatifs aux bénéfices, 2862.
Sainte-Katherine (La), le 25 novembre, 3177.

Saints (Les) de Paradis, 469, 613, 671, 2454, 2976. Saphira, Saphire, 3251-77, 3290-2, 3321. V. Ananias.

Sarge, serge, tapis en serge, 684.

Sathan, 147, 363, 411, 447, 574 605, 608, 755, 806, 823, 847, 904, 969, 1047, 1065, 1160, 1191, 1197, 1214, 1482, 1521, 1545, 1671, 1704, 1821, 1862, 1873, 1979, 2079, 2393, 2414.

Sathenas, 116, 360, 378, 517, 612, 866, 1025, 1207, 1365, 1391, 1527, 1775, 1886, 1900, 1947, 2008, 2092, 2140, 2165, 2185, 2228, 2285, 2295, 2330.

Seer, seoir, asseoir, 749.

Semondre, citer en justice, passim. Semonse, citation en justice, passim.

Sen, son, 328, 2933, 3197.

Senestre (Mis à), mis à gauche au jour du Jugement, damné, 1722.

Seris, tranquille, securus, 2127.

Serjant, serviens, pris au sens de serviteur, de valet, 2965 et 2970.

Sésine (La), possession réelle, 2884, 3018, 3142; arrièreseisine, 3178.

Seut, a l'habitude de, solet, 633.

Soit, sait, 121.

Sey, soi, 2071, 2818, 3083.

Soudre à des objections, les résoudre, 2309.

Souffiesaument, suffisamment, 352.

Soul, seul, 197.
Soupechon, soupçon, suspicion, 865.
Sourquidié, surcuidé, outrecuidant, 775.
Sout, sçut, 429, 2710, 3120.
Soutilment, subtilement, 2278.
Soy, soif, 157.

Tant (En), in tanto, le même sens que pour tant, 2308. Tarier, presser, tourmenter, 1482, 1969, 3051. Tatin. coup, atteinte. 3068 Ten, ton, 308, 328, 2805. (Ton, 2809.) Tene (au lieu de téue), tienne, 1603, 1607. Termine, terme, jour marqué, 405, 532, 3017. Terre, au sens précis de propriété foncière, 2827, 2873. Teurtre, tourterelle, 1397. Tey, toi, 1909. Théophile (Allusion au Miracle de), 3378-81. Tinter, parler d'une chose, 1340. Toster (Se), être comme une tostée, comme une rôtie, griller, 3332. Toudras, futur de tollir, 2306. Trache, trace, 1434. Traitre, traître, traditor, 1047, 1294, 2619, 2802. Treisis, tiras; de trahoir, trahere; traxisti; 1670. Trichierre, méchant, criminel, 2631. C'est le sens du surnom du comte de Blois Thibaut le Tricheur. Trinité (La), 1103, 1700, 2314, 2345. Truant, 1051. Truiz (Je), je trouve, 2291.

U, au, dans le, passim. Umain Linage (L'), passim. Uyel, œil; uyeul, 2055.

Vain, faible, 1401.
Véable, visible, 1428.
Véer, veoir, voir, 750.
Vestemens, employé pour vêtements sacerdotaux, 2742, 2797.
Vestéure, vêtement, 2405.
Verge, bâton, 949.
Victore, victoire, 740, 3021.
Viendrent, vinrent, 2940; vindrent, 2949.
Vienge, vienne, 510.

Virge, la Vierge, passim. Vis, vivants, 4. Voiable, véable, visible, 865, 1819, 2066. Voir, vérité, verum, passim. Voise, vienne, aille, 1012, 1626. Voit, pour veit ou vait, va, 2373. Vuil, vuille, veuille, passim.

Y employé pour un *I*, avec le sens de *un*. Ce qui montre que l'y, incontestable comme lecture, devrait être prononcé *I*, c'est que le poëte rime avec affectation par deux syllabes et que la rime est *dison*; 2411.

Y, il, 1119, 1130. Yeul, œil, 2062.

Ymage, pris dans le sens de statuette, en or ou en argent, puisqu'il s'agit de la mettre en gage, 2797-8.

Ysnel, prompt, 24.

Ysnelepas, promptement, 822. Ytel, ytiex, itiex, tel, tels, passim.

> DE JOUR EN JOUR EN APPRENANT

> > MOURANT.

ACADÉMIE DES BIBLIOPHILES.

Société libre

POUR LA PUBLICATION A PETIT NOMBRE DE LIVRES
RARES OU CURIEUX.

Membres du Conseil pendant l'année 1868 - 1869.

MM. Paul Chéron. — H. Cocheris. — Jules Cousin. — E. F. Delore. — Emile Galichon. — Pierre Jannet. — Louis Lacour. — Lorédan Larchey. — Anatole de Montaiglon.

COLLECTION DE LA COMPAGNIE.

1866 1. De la Bibliomanie, par Bollioud-Mermet, de l'Académie

de Lyon. Publié par M. Paul Chéron. In-16 pot double de 84 p., 160 ex. 2° éd. de la réimpression. . 5 »

2. Lettres à César, par Salluste, traduction nouvelle par M. Victor Develay. In-32 carré de 68 p., 300 ex. 2 »

3. La Seiziesme Joye de Mariage, publiée pour la première fois. In-16 pot double de 32 p., 500 ex. 2 »

4. Le Testament politique du duc Charles de Lorraine, publié avec une étude bibliographique par M. Anatole de Montaiglon. In-18 jésus de 78 p., 210 ex. . 3 50

5. Baisers de Jean Second, traduction nouvelle, par M. Victor Develay. In-32 carré de 64 p., 500 ex. 2 »

6. La Semonce des Coquus de Paris en may 1535, publiée, d'après un ms. de la Bibliothèque de Soissons, par M. A. de Montaiglon. In-18 jés. de 20 p., 210 ex. 2 »

7. Les Noms des Curieux de Paris, avec leur adresse et la qualité de leur curiosité. 1673. Publié par M. Louis Lacour. In-18 raisin de 12 p., 140 ex. . . . 150

1867

toire. 1634. Publié par M. Louis Lacour. In-18 raisin de par M. V. Develay. In-32 carré de 38 p., 312 ex. 11. La Fille ennemie du mariage et repentante, par Érasme, traduction nouvelle par M. Victor Develay. In-32 carré de 64 p., 312 ex. 2 » 12. Saint Bernard. Traité de l'Amour de Dieu. Publié par M. P. Jannet. In-8 tellière de 140 p., 313 ex. . 5 » 13. Œuvres de Regnier, reproduction textuelle des premières éditions. Préface et notes par M. L. Lacour. In-8 carré de 356 p., 525 ex. 20 » 14. Le Mariage, par Érasme, traduction nouvelle par M. Victor Develay. In-32 carré de 64 p., 312 ex. 2 » 15. Le Comte de Clermont, sa cour et ses maîtresses, par M. Jules Cousin. In-18 jésus, 2 vol. de 432 p., In-32 carré de 64 p., 312 ex. 2 17. L'Empirique, pamphlet historique. 1624. Réédité par M. Louis Lacour. In-18 jésus de 20 p., 200 ex. 2 » 18. La Princesse de Guéménée dans le bain et le Duc de Choiseul. Conversation rééditée par M. Louis Lacour. 19. Les Précieuses ridicules, comédie de I. B. P. Molière. Reproduction textuelle de la première édition. Notes par M. Louis Lacour. In-18 raisin de 108 p., 422 ex. 20. Les Rabelais de Huet, par M. Baudement. In-16 de 21. Description naive et sensible de Sainte-Cécile d'Alby. Nouvelle édition, publiée par M. Eugène d'Auriac. In-16 de 64 p., 260 ex. 5 »
22. Apocoloquintose, facétie sur la mort de l'empereur Claude, par Sénèque, traduction nouvelle par M. Victor Develay. In-32 carré de 64 p., 512 ex. . . .

1868

23. Aline, reine de Golconde, par Boufflers. Nouv. éd. pub. par M. V. Develay. In-32 carré de 64 p., 512 ex. 2 »
24. Projet pour multiplier les Colléges des Filles, par l'abbé de Saint-Pierre. Nouvelle édition, publiée par M. Victor Develay. In-32 carré de 40 p., 312 ex. 1 »
25. Le Jeune Homme et la Fille de joie, par Érasme,

traduction nouvelle par M. Victor Develay. In-32 carré de 32 p., 312 ex
de 32 p., 312 ex
27. Le Grand Écuyer et la Grande Écurie, par Édouard
de Barthélemy. În-18 jésus de XII-216 p., 200 ex. 6 » 28. Les Bains de Bade au XVe siècle, par Pogge, Flo-
rentin. Traduit pour la première fois par M. Antony
Meray. In-16 raisin de 48 p., 420 ex 3 » 29. Éloge de Gresset, par Robespierre, publié par D.
Jouaust. In-8 carré de 64 p., 100 ex 5 » 30. Amadis de Gaule. La Bibliothèque de Don Quichotte.
Par M. A. Pagès. In-18 raisin de 174 p., 412 ex. 5 »
31. Réflexions ou Sentences et Maximes morales de La Rochefoucauld. Reproduction textuelle de l'édition origi-
nale de 1678. Préface par M. Louis Lacour. In-8 carré
de 262 p., 525 ex
France, par J. J. Guiffrey. In-8 carré de xvi-396 p.,
525 ex
Develay. In-32 carré de 80 p., 1 grav., 512 ex. 2 »
34. Une Préface aux Annales de Tacite, par Senac de Meilhan, publiée avec une introduction par M. Sainte-
Beuve. In-18 raisin, 60 p., 420 ex 3 50 35. La Louange des Vieux Soudards, par M. Louis
Lacour. In-32 carré de 64 p., 300 ex 2 » 36. Académie des Bibliophiles. Livret annuel: première
36. Académie des Bibliophiles. Livret annuel: première année, 1866-1867. In-8 carré de 16 p., 150 ex. 5 »
(Se donne à MM. les membres actifs et à MM. les membres libres inscrits.)
37. Le Bréviaire du roi de Prusse, par M. Jules Janin.
1 vol. in-32 de 72 p., 300 ex
actes de Ch. Perrault, publiée pour la première fois par
H. Lucas. In-18 raisin, 1 grav., 132 p., 350 ex. 5 » 39. Secrets magiques pour l'amour, au nombre de octante
et trois, pub. d'après un ms. de la biblioth. de Paulmy par P. J., bibliomane. In-18 raisin, 128 p., 410 ex. 5 »
40. Le Talmud, étude par M. Deutsch, traduit de l'an-
glais sous les yeux de l'auteur. In-18, 116 p., imprimé

41. Ligier Richier, par Auguste Lepage. In-16, 36 p., 260 ex
1869
46. Mémoires d'Audiger, limonadier à Paris. XVIIe siècle. Recueillis par M. Louis Lacour. In-16 de 48 p., 420 ex

ACADÉMIE DES BIBLIOPHILES

Des Presses Parisiennes

DE D. JOUAUST


IMPRIMEUR DE L'ACADÉMIE

M DCCC I.XIX





.a Bibliothèque versité d'Ottawa Echéance The Library University of Ottawa Date Due



29003

002078748ь

